

MURHUMIWA WA NI MADYAMBU

 Ndza khensa, swinene. Hosi a yi mikatekisi.
Mi nga tshamisa.

² Jaha ra mina ri pfukile namuntlha, kutani a ku, “Papa, a ndzi tsakela leswaku hi nga vona kereke liyani hi nga se sungula ku aka ya hina, i ndhawu yin’wana yo saseka.” Nakambe u vulavurile hi...A ku, “A ndzi se hlangana na muministara sweswi, kambe loko a ri munhu wa kahle kukotisa nsati wa yena, hakunene i munhu wa kahle.” Swingaleswi hi tsakile kuva hi ri lahawani.

³ Nakona ndzi—ndzi langutele xikhongelo leswaku xi—xi ya emahlweni madyamu lawa, leswaku Xikwembu xi ta hi chululela minkateko ya Xona ehenhleni ka hina ni ku hi pfuna.

⁴ Sweswi hi ta...Ntsena ndzi nghenile, ndzi twa Makwerhu Williams, ndza pfumela, a ri ekuvuleni ka swin’wana hi kuva a vile eRamada. Nakona ndzi pfumela leswaku switiviso swi tivisiwile, swa sweswo. Hi ntoloveloo vava va swi endlile loko ndzi nga se nghena. Kutani hakunene hi languterile nkarhi lowukulu ehansi ekhonferesen. Kutani xiphemu xa mina lahawani i kuva ntsena ndzi rhendzeleka ni hlangana na vamakwerhu ni kuva na xinakulobye exikarhini ka vanhu, niku khongela leswaku Xikwemu xi ta hi nyika xo—xo hakasela xa kahle, leswaku hi nga ha famba hi kongoma eRamada eka nhlengeletano leyikulu. Kutani hi le ku ringetenka ku endzela tikerekere hinkwato leti hi nga swi kotaka, ku fikela nkarhi walowo. Nakona hi na nkarhi walowo wa kahle. Hakunene hi na nkarhi wa kahle naku hlanganyela kun’we exikarhini ka vamakwerhu va hina.

⁵ Kutani hi ntoloveloo ndzi...Un’wana na un’wana wa swi tiva leswaku a ndzo va muchumayeri ngopfu, ndzo va ntsena thayere ra xipheme. Kambe ndzi—ndzi...Ministri wa mina i wa ku khongelela vavabyi. Kutani mina...Hi vile na mintshungu yo tala ya na vusiku, na swin’wana, kufikela laha hi pfumalaka ndhawu yo swi endlela kona. Kutani hi ya eku ringetenka loko hi nga...loko hi nga swikota ku fikelela tindhawu leti hi nga swi kotaka, kwalahawani, ku phakela makhadi niku nghenisa vanhu hi va khongelela. Kambe hi va na nhlengeletano yin’we ya na madyambu hi nkarhi wun’we, leswi mi nga ta swi kuma vusiku lebyi kutani va ta swi tlakula va swi rhwala va swi yisa kun’wana eka vusiku byin’wana, nakona ku tlhelela endzhaku kun’wana, swingaleswi hi ndlela yaleyo ndzo va ntsena na maendlelo ya—ya ntsongo—ya ntsongo ya ku vulavula nyana vusiku byin’wana na byin’wana evanhwini, na swo antswa leswi ndzi nga swikotaka swa

maendlelo ya...ya hi ku xixima niku kwetsima ka Yesu Kreste, kutani eka Loyi hi n'wi rhandzaka niku n'wi pfumela, niku hlanganyela kun'we ka hina.

⁶ Ndza pfumela leswi mi yi twile ngorozi leyi nga humeleta ekhoneni, eka xinkadyana xintsongo lexi xi nga hundza. A ndzi swi tivi loko wanuna a lovile, kumbe loyi a nga va ka yena, movha wu nganenile. Hina hi lo tshuka hi yima, hi va na rito ra xikhongelo, xinkadyana lexi xi nga hundza. Kwalomu ka tibloko timbirhi lahawani a kuri na un'wana loyi a tlumbile ematlhelo a ya a ya wela endleleni exitarateni. Kutani munhu lonkulu a funengetiwile kwalahaya. Na maphorisa a ya ri kwalahaya, a ndzi pfumeli leswaku ambulense yi nga va yi fikile kwalahaya sweswi. Va nga hava...Loko a nga fanga, swi ngava swi ri tano...Wu ba tlhelo *leri* wu ya tlumba ndlela hinkwayo ku ya fika enyangweni wa tlhelo lerin'wana, swingaleswi i ku tlumba loku ku chavisaka ngopfu. Ma swi tiva, ku ntsena....

⁷ Hi fanele ku tirhela Xikwembu eka minete yin'wana na yin'wana. A hi wu tivi nkarhi—a hi wu tivi nkarhi lowu swilo leswi swi nga ta humeleta ha wona. Nkarhi wun'wana hi ehleketa leswaku a swi nge endleki eka hina, kambe ma swi tiva leswaku swi ta endleka, ma swi tiva. Swingaleswi, ndzi pfumela leswaku Yesu u teri, "Ti lunghiseni, hikuva a hi tivi minete kumbe awara leyi hi nga ta vitanowi hi yona." Kutani hi taya endzhawini laha yi pfumalaka tinghozi ta mimovha, kutani a ku na makhombo. Hi tsakile hikuva ku na ndhawu yo kotisa ya leyo eka xitshehbhiso.

⁸ Ma swi tiva, miehleketo ya liya, vusiku lebyi, ya—ya ku vona leswaku hi navela ndhawu yo kotisa yaleyo, yi kombisa leswaku yi kona ndhawu yo kotisa yaleyo. Wa vona? Nakona ha switiva leswaku minandzulo hinkwayo, mindzhuti hinkwayo, ku fanele kuva na xin'wana lexi xi nga endlaka ndzhuti. Ndzhuti kova lowu wu kombisaka. Swingaleswi loko kuri na vutomi byo kotisa lebyi, bya khorwisa leswaku ku na ndzhuti, swingaleswi ku na vutomi kun'wana lebyi byi swi kombisaka. Wa vona? Mi xiyisisa murhi, hilaha murhi wu nga sasekisa xiswona. Nakona ma swi tiva leswaku sweswo i yini? I nandzulo lowu wu fananisaka ndzhuti wa Murhi wa Vutomi eTilwени.

⁹ Sweswi, ma swi tiva, loko Xikwembu xi tava xi tile emisaveni, loko Xa ha fukamela ehenhleni ka misava emasunguleni, nakona kumbexani xo sungula ku humeleta a ku ri—ri vuluvulu, tani hilaha vatisayense va ringetaka ku swi vula. Lexi xi landzelaka ku nga hava kuri na swin'wana... Ndzi pfumela eka ndzhundzhuluko wa ntiiyiso wa Xikreste, kambe a ndzi pfumeli leswaku hinkwaswo swi huma eka sele yin'we. Ndzi pfumela leswaku ntsena...Xikwembu xi endlile vuluvulu, kutani Xi endla nhlampfi, kutani Xi endla

swin'wana. Kutani ntsena... Ndza pfumela eka ku humelela, ku ngari hi sele yin'we, kambe kuri xivumbiwa lexi xi hambaneke nkarhi hinkwawo.

¹⁰ Kutani ekuheteleleni Xi yile emahlweni, ku ta xihadyana lexikulu, kutani endzhaku nyana xi kombisa Un'wana loyi a ri karhi a fukamela, laha a ku ri Xikwembu. Sweswi, ku khorwisa leswaku sweswo i ntiyiso, loko Xikwembu xi ti endla nyama a kuri Yesu Kreste, la nga munhu. Wa vona? Swingaleswi, a nga ri Ntsumi, kambe munhu. Swingaleswi swi fambile swi kombisa leswaku i xivonivoni xa Xona.

¹¹ Kutani, oho, Bibeleyi ya khale yi talele hi timhaka to phateleleka ta khale to kwetsima. Ntsena ndzi... Ntsena ndzi tsakela ku jongela (n'wina ke?) ni kuya kwalahaya ni ya zuza hinkwaro ritshuri leri ri nga eka Yona, niku Yi languta ni vona leswaku Yi yini. Hilaha swingwavila, n'wina vanhu va lahawani Arizona ma swi tiva, swingwavila swa kahle swi ta swi huma eka ntshuri wa misava. Kwalaho hilaha swi humaka kona. Na swingwavila swa Xikwembu swi humesiwa entshurini, na swona. Kutani Xona... Hi tsakile hikuva Xi hi nyika nkateko wa kuva hi ya eka ku basisa ka Xona loku ka kahle, kutani thyaka hinkwaro ri humesiwa.

¹² Ma swi tiva leswi a va swi toloverile? Hikuva, n'wina vanhu va Arizona ma swi tiva hilaha va... loko va nge siva na xo n'okisa, hilaha a va tololeve ha kona ku basisa nsuku. Hi byeriwile leswaku a va teka nsuku va wu khandla. Makula ya khale a va tololeve ku endla sweswo, ku wu khandla. Kutani va wu hundzuluxa, va wu khandla niku wu khandla, ku fikela laha thyaka ri khandliwaka ri huma eka wona. Ni hi ndlela leyti a va yi tiva leswaku hinkwaro ri humile (hinkwaswo leswi swi nga khomelela ni leswi swi nga eka wona, hinkwaswo sweswo), loko va swi tivile leswaku njhani, mukhandli a kala a tivona eka wona, a nga ha kota ku tivona. Kutani a switiva leswaku se wa basa, loko wu ta kombisa xivumbeko xa yena.

¹³ Kutani, ma swi tiva, ndzi ehleketa leswaku Xikwembu xi lava ku endla Kereke ya Xona hi ndlela yaley, ntsena ku khandla misava hinkwayo yi huma ku kondza ku vonakala ka Yesu Kreste ku hanya eka un'wana na un'wana wa hina hi va xivonivoni xa Vutomi bya Yena. Kutani hi tava hi ti lulamiserile eka Yena... A va xivonivoni yena hi Yexe ha hina hi nkarhi walowo, loko hi kuma... hi veka etlhelo ku tika hinkwako na vudyoho lebyi byi hi hingakanyaaka hi ku olova, leswaku hi nga ha tsutsuma hi ku tiyisela mphikizano lowu wu nga vekiwa emahlweni ka hina, hi ri karhi hi languta Xikombiso, Mutsari ni Muhetisisi wa Ripfumelo ra hina, a nga Yesu Kreste. Hi tsakile hikokwalaho ka Sweswo!

¹⁴ Sweswi, hi ntoloveloo ndza swi vula madyamu yo tala... Ndzi teri eka Makwerhu Carl Williams, ndzi ku, "Makwerhu

Carl, vanhu va kona a va ha lavi ku ndzi yingisela nakambe, ehenhla nale hansi eka minkova ya vona, u va khomeleta ku ringana tiawara timbirhi kumbe tinharhu ku ri vusiku.”

A ku, “Kunene, kunene, wa nga ta.”

¹⁵ Swingaleswi ndzi amukela ku tiyisela ka wena ku—ku va u ndzi rhamba leswaku ndzi tlhela ndzi vuya nakambe. Kutani sweswi vusiku byin’wana na byin’wana . . .

¹⁶ Ndzi vulavurile na nsati wa mina xinkadyana lexi xi nga hundza, ehansi . . . U le Tucson sweswi, kutani ndzi ku, “Xana maxelo ya njhani?”

¹⁷ A ku, “Ya kufumela.” Kutani a ku, “U le ku tihlayseni tixedulu xana?”

Ndzi ku, “Hakunene, kwalomu ka khume kumbe khume-n’we vusiku byin’wana na byin’wana.”

¹⁸ Ndzi ku eka yena, “Ndzi ta kuma ku wisa loko ndzi tava ndzi taya eArizona eka nkarhi lowu eka nhlengeletano leyintsongo. Ndzi ya eka tikereke leti, vamakwerhu lava. A ndzi nge va xupuli vamakwerhu lava, ntsena ndzi ya kwalahaya ndzi ta pfumelela na vuyimbeleri byi endliwa, byi nga jubili. Ndzi ta ti pimela mina n’winyi, ndzi veka tinotsi ta mina ehansi kwalomu ka khume ntlhanu, makume mbirhi wa timinetse, ndzi ku ‘Amen’ ndzi ya ekaya.”

A ku, “U le ka xedulu xana?”

¹⁹ Ndzi ku, “Ina, murhandziwa, ndzi tano; xedulu ya ntoloveloo, kuya ka kwalomu ka tiawara tinharhu.” Vanhu va kahle swinene; vo talela hi ku tiyisela.

²⁰ Kunene, a hi korhamiseni tinhloko ta hina xinkadyana tani hiloko hi N’wi tshunelela. Sweswi, ndzi na ntiyiso wa leswaku eka vayingiseri va kahle va vanhu vo kotisa lava lava va pfumelaka, kutani ngopfu-ngopfu . . . Ndzi vona masangu yambirhi ku nga pavalariva eka wona lahwani, ya vanhu lava va vabyaka ni kuva vari na swilaveko, ndza switiva leswaku va na swikombelo swa xipexali. A swi kanakanisi leswaku ku na votala van’wana lava va nga na swikombelo leswi. Loko swi ri tano, ntsena yimisani mavoko ya n’wina kutani mi endlela leswaku swi tiveka tani hiloko mi tlakusa voko ra n’wina. Kutani sweswi eka xikhongelo ndzi taya emahlweni ndzi khongelela vanhu lava va nga eka masangu lawa, loko—loko ha hari lahwani, swingaleswi hi va na ntiyiso wa leswaku ha xi kuma. Loko swin’wana swi humelela . . . Va tshembheke ku ringanelu leswaku va nga tisiwa lahwani, ndzi mi lava leswaku hinkwerhu mi khongela na mina.

²¹ Tatana wa hina wa le Matilweni, hi veka etlhelo sweswi hinkwayo mianakanyo yin’wana, hi basisa miehleketo ya hina, kutani hi ta eVukoneni bya Wena leswaku hi ta basisiwa moyo wa hina. Kutani ha tisa emahlweni ka hina Ngati ya Hosi Yesu.

Ha tivula leswaku a hi faneriwi hi minkateko yin'wana na yin'wana leyi U nga hi nyikaka yona, kambe hikokwalaho A nga fa leswaku hi ta kota ku kuma minkateko leyi, nakona u hi byerile leswaku hi ta hi vunhenha emahlweni ka Xiluvelo, leswaku hi va na mpfumelelo eka minkateko leyi hi tintswalo ta Hosi ya hina Yesu, Loyi a teke emisaveni, Emmanuel, a ta teka ndhawu ya mudyohi. A va *hina*, oho, leswaku hi nga hava *Yena*.

²² I ku ncincana ka njhani, Hosi! Bya vudyoho, vutomi lebyi byi nga bohiwa hi tihele lebyi hi nga na byona, niku tiva leswaku Un'wana u tile a ta teka vutomi byebyo byi va eka yena N'winyi, kutani a hlantswa swidyoho swa hina hi ku halaka ka Ngati leyi yi nga ya Vutomi lebyi byi nga bya *Yena* N'winyi. Byi tlula leswi swi nga ehleketiwaka hi timbilu ta hina, Hosi. Kutani, handle ka swona hinkwaswo sweswo, U endlile ndlela yo susa vubihi bya hina niku hi hanyisa hi timbangta ta *Yena*. Hi khensa ngopfu kuva A tshembhisile leswaku U ta hi hlayisa loko hi N'wi tirhela.

²³ Kutani sweswi vusiku lebyi, Tatana, ku na swikombelo swo tala leswi swi nga...na mavoko ya vona lawa ya nga yimisiwa. Ha swi tiva leswaku Wena u ta khensa un'wana na un'wana wa vona, hi ku tiva leswi swi nga endzeni ka voko, endzeni ka mbilu.

²⁴ Kutani ndza kombela, Hosi, leswaku U ta tsundzuka Rito vusiku lebyi tani hiloko hi Ri hlaya; kutani Ri hlavuteli tani hi dyondzo nyana leyintsongo, tani hi xikolo xa Sonto, leswaku hi nga ha suka lahawani vusiku lebyi ni—ni kuva na swona leswi endzeni ka timbilu ta hina, leswaku hi ti twa tani hiloko hi ri ekusuhi na Wena, loko hi huma, hi tlula leswi hi nga nghenisa xiswona. Sweswo hi swona leswi hi nga tela swona, leswaku swi nga ha tisa mpfuxelelo ku rhendzeleka hi tiko, hi nga ri eku swi tiveni leswaku wu nga sungula rini, kambe hi ku tshembha hi wu languterile, Hosi. Hi le ku vekeni emahlweni ku tikarhata ka yumunhu loku hi ku tivaka leswaku hi nga wu tisa njhani mpfuxelelo lowu wu tshunetaka vanhu na vavasati, majaha na vanhwana, ku ta eka vutivi byo tirhela bya Kreste.

²⁵ Hi lava ku Ku khensa ha kereke leyi, hikuva yi ri na mufundhisi wa kahle na ndyangu wa yena, na madiyakoni hinkwawo, matrasti, ni hinkwavo lava va yimelaka swo karhi. Ha Ku khensa hi lava va tiseketelaka kahle ha wena. Kutani, Hosi, ntsena ha khongela leswaku minkateko ya Xikwembu a yi wisele ehenhleni ka vona. Katekisa vuswikoti hinkwabyo. Leswaku laha ku nga hava exitichini, Hosi, laha minkova hinkwayo yi nga taka yi ta kuma ku wisa. Hi nyike swona, Tatana. Leswaku swikhongelo swa mufundhisi swi nga ha hlamuriwa eka vavabyi. Leswaku swikhongelo swa yena swi nga ha hlamuriwa swa ku ponisiwa, eka hinkwavo lava va hlamuriwa eka vunavi bya Evhangeli. Leswaku minkateko ya

Wena yi nga hava ehenhleni ka yena. Leswaku kereke yi nga pfumali nyiko ya ximoya, leswaku ku nga hava na ndhawu, yi va xikombiso xa kereke eka vaaki. Hi nyike swona, Hosi.

²⁶ Sweswi, Tatana, lava va pavaleleke ehenhla ka masangu lawa vusiku lebyi, lava va nga swikoteki ku pfuka va tshama va tiphina hi nhlengeletano, hi vona lava va nga riki na nkateko. Kutani va vekiwile lahawani hi ndlela yin'wana, vusiku lebyi. O Xikwembu, vana na tintswalo! Ndzi ehleketa leswaku, "A ku ta humeleta yini loko i ngi i nsati wa mina kumbe buti wa mina, kumbe un'wana loyi a nga xaka, loyi ndzi n'wi tivaka kahle?" Ku ri un'wana, kutani ndza khongela, Tatana, leswaku tintswalo ta Xikwembu, na matimba ya Xona, ti ta enhlela ehansi eka ku ntshuxiwa ka Matimba eka vona vusiku lebyi, kutani va ntshuxi emasangwini lawa. Leswaku va nga havi nkarhi wo leha eka masangu lawa eka nhlengeletano leyi vusiku lebyi. Leswaku, loko va ta suka, masangu ya sala. Leswaku matimba, lawa ya pfuxeke Yesu ekufeni, ma pfuxa mimiri ya vona va va eka rihanyu lerintshwa na ntamu wun'wana nakambe. Hi nyike swona, Tatana wa hina. Sweswi, ha switiva leswaku U swi tshembhisile ku swi endla.

²⁷ Swingaleswi, swi tsariwile eMatsalweni leswaku, "Masingita lawa ya ta endliwa hi lava va pfumelaka. Loko va tlhandleka mavoko eka vavabyi, va ta hola."

²⁸ Sweswi, Tatana, leswaku ku ngavi na un'we loyi a va fikelelaka, loko lavan'wana va kota ku fikelelana, ndzi ta rhelela hi ku lerisiwa hi milawu leyi. Kutani, Xikwembu, ndzi ya eku languteleni ka papila ro huma eka vona, leri ri nga endliwa, hikuva ndzi ya kona hi Vito ra Yesu Kreste.

²⁹ [Makwerhu Branham a rhelela a ya khongelela lava va nga emasangwini loko nhlengeletano ya ha yimbelela *Pfumela Ntsena* ku ringana ka mune, kutani a tlhelela endzhaku a yimbelela—Muhleri.] . . . ? . . .

Hosi, ndza pfumela, O Hosi, ndza pfumela,
Hinkwaswo swa koteka, Hosi, ndza pfumela;
Hosi, ndza pfumela, Hosi, ndza pfumela,
Hinkwaswo swa koteka, Hosi, ndza pfumela.

Ma swi vona sweswo, havumbirhi bya vamanana lava va na swimila, mfukuzani eka un'wana.

³⁰ Kutani ntsena ndzi ta nyika vumbhoni lebyi hi xihatla, loko ndzi fanele hi ku tsema mbulavulo wa mina wu koma. Loko ntsena ndzi nga se huma ekaya, mhaka yo hetelela leyi ndzi ngava na yona loko ndzi nga se huma, yaleylo a yiri mhaka leyi a yi nga tshamisiwang'a, kutani a kuri na manana un'wana kutani vito ra yena i Dyer; a ri yena, ndzi rivarile vito ra yena sweswi. A kuri Dokodela Dyer, a huma eLouisville. James, Dokodela James Dyer, wa ntokoto eka swimila swa le nyameni, ni kuya emahlweni, eLouisville.

³¹ Nhwana wa yena u chaya piyano ekerekeni ya The Open Door, laha Dokodela Cobbles a nga mufundhisi kona; ntsena (oho) ndlopfu leyikulu ya khale ya sinagogo ya Mayuda. Nakona wanuna hi yexe u nghena Church of Christ, Church of Christ ya xidinominexini, kutani u hundzukile a pfumela evhangeli ya Evhangeli leyi yi hetisekeke, wanuna wa kahle. Kutani wansati loyi u chayile eka nhlengeletano ya mina leyi a ndzi ri na yona eLouisville, eka Memorial Auditorium. Kutani u hlamarile loko a vona leswi swi nga teka ndhawu, kutani a ringeta ku byela tatana wa yena ha swona.

³² A ku, “Kova dyondzo ya miehleketo ntsena. Vanhu lava ntsena va vabya tani hilaha va nga ha kona.” Nakona swingaleswi—swingaleswi a ngaka a nga Ri pfumeli.

³³ Ekuheteeleni u sukile ekerekeni, a ya tekiwa hi jaha ra seminari ya Baptist, kutani ekuheteeleni i kumeke a fambela ekule na leswi a swi pfumelaka. U leteriwile leswaku a va muvuri wa rito, kutani hilaha Baptist yi swi endlisaka xisweswo. Kutani swingaleswi va... Ekuheteeleni u fambile, a nga ha lavi ku chumayela. Kutani va sukile va ya eka vanhu va yena eRockford, Illinois.

³⁴ Ekuheteeleni wansati, Jean, a sungula ku karhatiwa hi vuvabyi bya vusati. U yile eka tata wa yena a ya kamberiwa, a tlhela a vuya eLouisville ku ta kamberiwa. Kutani, loko va swi endlile, va kumile leswi swi vuriwaka “chocolate tumor,” swi le ka tigland ta xisati. A swi susa sweswo, tatana wa yena, hi vuhandzuri lebyikulu, kutani a nga hava a avile swin’wana swa—swa bundu leri eka yena. Kutani ekuheteeleni... Kutani va n’wi nyikile X-ray yo enta na—na vutshunguri.

³⁵ Kutani swingaleswi loko va...loko a tlhelela endzhaku ekaya, kutani u yile emahlweni niku xaniseka loku.

³⁶ Kwalomu ka le ndzhaku ka lembe va tlhele va n’wi vuyisa leswaku a ta kamberiwa nakambe, kutani va vile na ku hetiseka ka ku kanganyiseka ka xivelekelo. Kutani hi ku endla leswi, tatana, na Dokodela Humes, loyi a nga un’wana wa madokodela lamakulu yale Dzongeni, va endlile vuhandzuri, kutani a yi ri ekule ngopfu, mfukuzani khale yi tsondzerile eka rhumbu ra kholon. Swingaleswi va n’wi tshikile kwalahaya xinkadyana. Kutani u ringetile vutshunguri bya ‘X-ray’ nakambe, kutani va yi vona leswaku a yi endlili swa kahle, swingaleswi va n’wi tekile va n’wi tlherisela exibedele ku... A va nga ta ha swikota ku n’wi nyika nakambe ‘laxative’ leswaku marhumbu ya yena ya famba—famba, swingaleswi va ringetile ku n’wi nhlantswa hi enema. Kutani sweswo swi endlile leswaku mati ya nga ha swikoti ku ya emarhubyini nakambe.

³⁷ Swingaleswi nuna wa yena hi un’wana wa lava va nga na maendlelo yo ndzi sandza. Kutani ekuheteeleni siku rin’wana u rhelerile a ya teka buku kutani a sungula ku yi hlaya. (Kutani

jaha ra mina lahwani na Makwerhu Sothmann, hi un'wana wa vatrasti, u kona lahwani kun'wana.) Kutani hiloko ntsena a ti ettelela eswitepisini swa nyangwa wa kereke, hikokwalaho ka yini, ku ringana masiku yo hlaya, ku kondza... A—a ndzi nga ri kona enhlengeletanwini. Ku vuya ka mina ndzi—ndzi yile ndzi ya n'wi vona. Kutani u ndzi byerile, a ku, "Sweswi, a nga switivi leswaku u na mfukuzani." A ku, "Ntsena famba u ya vulavula na yena u khongela na yena."

³⁸ Kutani loko ndzi n'wi vona, a ku, "Makwerhu Branham," a ku, "nuna wa mina u ta amukela ku horisiwa hi ku hanyisiwa loko Kwetsima," a ku, "hikuva u ndzi tsandzile kuva a languta yin'we ya tibuku, sweswi u ndzi hlayela pheji na pheji masiku hinkwawo, eka yin'wana ya tibuku."

³⁹ Kutani ndzi ku, "Ndza swi twisia sweswo, Jean." Kutani ndzi ku, "Sweswi, Jean, a hi vulavuli hi vona Hosi leswaku yi ta vula yini." Ku hava na un'we ekamareni, muongori a sukile a fambilé. Kutani swingaleswi hi vulavurile nyana swintsongo, kutani endzhaku nyana lahaya ku ta xivono. Ndzi... A ri na kwalomu ka malembe ya makume mune hi vukhale, a nga se huma timpfi, kambe a dyuhale ngopfu a tlhela a va na timpfi. Ndzi ku, "Jean, sweswi, a wu ri kona eka tinhlengeletano."

"Ina, Makwerhu Branham."

⁴⁰ Ndzi ku, "Kutani va ku tumbetele byona, va tlhela va ndzi byela leswaku ndzi nga ku byeli, kambe u na mfukuzani." Kutani ndzi ku, "Tatana wa wena na... Kumbe nuna wa wena u teri, 'Ndzi nga vuli nchumu ha swona.' Kambe u na mfukuzani, Jean. Kambe, sweswi, ndzi lava ku ku byela, hikuva a wu ri eka tinhlengeletano. Xivono a xi kali xi hluleka. Sweswi ndzi ya eku ku byeleni, Jean, hi LESWI HOSI YI SWI VULAKA! Wa vona?" Wa vona?

⁴¹ Sweswi, u lava kuva na ntiyiso wa sweswo, wa vona, leswaku...leswaku i Hosi ya leyo. Ku ngari ku ku khorwisa; wa swi vona. Wa vona?

Kutani ndzi ku, "U ta hanya. Va... U..."

⁴² A ku, "Makwerhu Branham, a ndzi swi ehleketelela sweswo nkarhi hinkwawo." Hiloko a ku, "Kuva ndzi kurisiwile ekaya na tatana wa mina a ri dokodela," a ku, "Ndzi—ndzi—ndzi swi ehleketerile." A ku, "A ndzi swi ehleketa sweswo nkarhi wo leha, sweswo hi leswi a swi ri xiswona." Hi khongerile.

⁴³ Hi siku leri ri landzelaka, siku ra yumbirhi endzhaku ka sweswo, a va ya eku n'wi tekeni va n'wi yisa eka vuhandzuri bya rhumbu lerikulu ro tipfuna va n'wi vekela swipfuneto leswi nga riki swa ntumbuluko. Sweswo, ma swi tiva, va tsema rhumbu lerikulu kutani va vekela saka hile tlhelo leswaku muvabyi ntsena...ku kondza va lova, mfukuzani yi hetelela yi va dlaya, va humesa rhumbu va ri chela esakeni.

Kutani loko ntsena yena a ha tilulamiserile, kutani loko va ha lulamiserile va lulamisa na tafula ra vuhandzuleri, a titwa a chava. Kutani va... u vitanile muongori leswaku a ta n'wi pfuna e—e ka kamara ro hlambela kona. Kutani, loko a tava a swi endlile, u vile na kusuka loku ku hetisekeke ka ntolovel. Kutani nuna wa—wa yena a swi nga n'wi tikeli ku yi fikelela. Kutani hi siku ra vumbirhi... A va kalanga va nga n'wi teka. Hi siku ra vumbirhi, hi ntolovel, ntsena endzhaku ka ku fihlula, ku susa kun'wana loku ku hetisekeke. Swingaleswi u...

⁴⁴ Dokodela wa yena u n'wi vitanile. Exikarhi ka ku rila hi mbitisi niku rila, a ku, "Ntsena a ndzi swi twisisi, a ha ha kumi na xikombiso na xin'we xa byona. Byi fambile."

⁴⁵ Sweswi, sweswi, vasesi wa mina vo hlawuleka, a ndzi na xivangelo xo yima lahwani tani hi nandza wa Kreste ni vula swin'wana swo hoxeka, hikuva ndzi ta avanyisiwa hi siku lero, ndzi tlhela ndzi hlongoriwa, tani hi mutikukumuxi.

⁴⁶ Sweswi, na Rito ra Xikwembu leri ri nga pfuriwa, ndzi khongerile leswaku swi nga ha n'wi humeleti Jean nakona ku hava ku tshembheka loku ndzi nga n'wi endlile kona, wa vona. Ntsena hi lo chayela kuya eka mhandzi yaleyo leyintsongo, hi ri karhi hi switiva leswaku xikhongelo xa ripfumelo xi khongeleriwile. Sweswo swa swi tshamisisa kahle kwalahaya. Rito ra Xikwembu ri vule tano, wa vona, "Xikhongelo xa ripfumelo xi ta horisa muvabyi."

⁴⁷ Sweswi, Xikwembu xexiya xi hanyiseke nhwana wa Dokodela Dyer, loyi a nga Jean... A ndzi ri tivi vito ra yena sweswi. Kambe wanuna yaloye hakunene u angarhele Evhangeli leyi yi hetisekeke. Nchumayelo wo hetelela eka kereke, a tshamile lahaya a ri karhi a teka hinkwaswo, a dya xilalelo na hina, na hinkwaswo, xichudeni xa Baptist a xi tile eka Hosi xi tela nkhuvelo wa Moya lowo Kwetsima. Sweswi, ntsena swi ya emahlweni niku kombisa leswaku Xikwemu xi tshama xi ri Xikwembu.

⁴⁸ Kutani dokodela, tatana wa yena, munhu wo rhandzeka, kambe a nge se tshama a vona swin'wana swo kotisa sweswo swi humelela.

⁴⁹ Sweswi, Xikwembu xi na nkarhi wa swilo hinkwaswo. Kutani kusukela eku pfumeleni, havumbirhi mi vapfumeri. Swingaleswi nkarhi wun'wana swilo leswi swi humelelela swa kahle. Ma swi tiva, Bibele yi teri, "Va tirha kun'we eka leswinene."

⁵⁰ Sweswi, tsundzukani Yobo, mindzingo hinkwayo ya yena? Sweswi, kwalaho a ku ngari Xikwembu xi xupulaka Yobo, kambe a kuri Xikwembu xi kambelaka nandza wa Xona. Swingaleswi hinkwaswo swi tirhela swa kahle, ma swi vona.

Nakona Buku ya Yobo yi tsaleriwile tinxaka hinkwato, leswaku yi va mbhoni. Sweswi, Xikwembu xi swi tirha leswaku swi va swa kahle.

⁵¹ Ntsena tsundzukani, ndzi khongerile, hi mbilu ya mina hinkwayo, xikhongelo xa ripfumelo. Ma swi pfumela, kutani kwalahaya, sweswo swi tava swi ri swona, yaleyo yi tava yi ri mhaka, ntsena—ntsena hlalelani mbuyelo.

⁵² Sweswi, kuva hi nghena hi kongoma hu—hu hungu, (votala va lo yima), hungu nyana ra ni madyambu.

⁵³ Kutani—kutani ntsena tsundzukani sweswi, lahaya e—e Ramada, ku tava na swipikara swa kahle eka khonferense ley i ya le Ramada eka lowu nkarhi, ku nga Vavanuna va Mabindzu, swingaleswi n'wina...ehansi eRamada. Swingaleswi mi va na ntiyiso wa leswaku ma ringeta kuva kona eka nhlengeletano ley i. Makwerhu Oral Roberts u tava a ri kona eka swakudya swa ni vusiku.

⁵⁴ Kutani, sweswi, ndzi wa muxaka wa maendlelo ya kuva xiphemu xa Tucson, ndzi taya ndzi ya khomeleta eTucson. Hi na yin'wana ehansi lahaya, nakona, vusiku bya Muvhulu, swingaleswi loko swi nga humelela leswaku mi kumeka mi ri kona, kunene, mi ta na kwalahaya nakona. Nakona mi ta fanelu ku...mi nga ha hlupheka xinkadyana nyana na mina, hikuva ndzi fanele ku vulavula eka yona yaleyo. Swingaleswi mi ta loko mi swi kota Wavumbirhi lowu wu taka...Muvhulu lowu wu landzelaka eRamada Motel, ku nga Ramada Inn, a Tucson. Kutani, xivangelo, hinkwerhu ha swi tiva leswaku Phoenix yo va ntsena ehandle nyana ka Tucson. Hinkwerhu ha switiva sweswo, ma swi vona, swingaleswi—swingaleswi rhelelani mi ta vona hilaha vanhu va le tintshaveni va hanyaka ha kona.

⁵⁵ Sweswi a hi pfuleni eka Tibibele ta hina eka Zakariya 14, kuavanyisa ka vu⁶ na vu⁷, ndzi tsakela ku hlaya...ku teka mongo nyana kusuka kona eka nhlokohaka ley i ndzi tsakelaka ku yi teka.

*Swi ta humelela hi siku lero, leswaku ku vonakala a
ku ngavi kona, ku kwetsima ka tineyeleti ku ta sihala:*

*Ri ta va siku ri ri rin'we leri tiviwaka hi YEHOVHA,
a ri ngavi na nhlikanhi, ni loko byi ri vusiku: kambe
swi ta humelela, leswaku enkarhini wa madyambu ku
vonakala ku ta va kona.*

⁵⁶ Sweswi ndzi tsakela ku humesa eka leswi, *Murhumiya Wa Ni Madyambu*, leswaku kuva mo...nhloko-mhaka: *Murhumiya Wa Ni Madyambu*. Xivangelo, hi ngava na varhumiwa siku hinkwaro, nakona ku vile na varhumiwa eka siku leri hinkwaro lava A nga vulavula hi vona, kambe ku ta Hungu ra ni madyambu. Kutani hi lava ku languta eka rona vusiku lebyi hi maendlelo yo kotisa xikolo xa Nsoto, hi vulavula nyana hi swona.

⁵⁷ Sweswi, hinkwerhu ha switiva lahawani leswaku Zakariya a vulavula hi swona, hikuva u teri, “Ku tava na siku leri ri nga ta tiviwa hi Hosi, a ri ngavi nhlikanhi ni loko byi ri vusiku; kambe hi nkarhi wa ni madyambu ku tava naku Vonakala.” Sweswi, loko hi switiva leswaku a rova siku hambi byi ri vusiku, ri tava ri ri ra muxaka wa—wa—wa siku leri ri kanganyisaka, maendlelo ya siku ra nkungwa.

⁵⁸ Nakona hinkwerhu ha switiva leswaku nhluvuko wu fambile wu suka evuxeni wu ya evupela-dyamu. Nhluvuko wa khale swinene lowu hi nga na wona i wa China. Kutani nhluvuko wu fambile kusuka evuxeni wu ya evupela-dyambu, hikuva wu landzelela dyambu, nakona sweswi hi na ndlela hinkwayo yo ya eWest Coast. Loko hi famba nyana kuya emahlweni, hi kumeka hi tlhelela Evuxeni nakambe, wa vona. Swingaleswi swi ri hi le makun’wini ya patu.

⁵⁹ Ha pfumela, tani hi Kereke, leswaku Evhangeli ntsena yi hetisekile. Hi pfumela leswaku varhumiwa lavakulu kuya hi tinguva va tile, eka masiku lawa yo hetelela, madzana ya malembe yo tala yo hetelela, va lwerile swilo leswi leswikulu; ku lulama hi ripfumelo, Luther; ku kwetsima, hi Wesley; nkhuvulo wa Moya lowo Kwetsima, hi Mapentekostal. Hi pfumela leswaku tielemente leti tiya ti ya endla miri lowu wu hetisekeke, tani hi ntumbuluko na ximoya.

⁶⁰ Loko n’wana a tswariwa kahle, xana nchumu wo sungula i yini xana? Xo sungula lexi xi humaka, i mati; lexi xi landzelaka, i ngati; kutani lexi xi landzelaka, i vutomi.

⁶¹ Yohana wo Sungula 5:7 yi teri, “Ku na swinharhu leswi swi hlaysaka vumbhoni eTilweni, ku nga Tatana, la nga Rito, na Moya lowo Kwetsima: kutani swilo leswi swi nharhu i xin’we.” I *swi* N’we; a wu nge swikoti kuva na Tatana ku ngari na N’wana, a wu nge swikoti kuva na N’wana ku ngari na Moya lowo Kwetsima. Wa vona, i *swi* N’we. “Kambe ku na swinharhu leswi swi hlaysaka vumbhoni emisaveni, ku nga mati, ngati, na Moya: nakona swi twanana eka xin’we.” A swo va xin’we, kambe swi *twanana* eka xin’we. Wa vona?

⁶² Sweswi, u nga ha endliwa loyi a lulameke u nga sungulanga hi ku endliwa loyi a kwetsimaka; u nga ha endliwa loyi a kwetsimaka u nga vanga na Moya lowo Kwetsima. Wa vona? Moya lowo Kwetsima i vutshamo bya matimba bya Vukona bya Kreste, hi Moya. Sweswi, ha swivona leswaku ntumbuluko wu fananisa swa ximoya, swingaleswi Kereke yile ka ku hetiseka ka yona ka ku vupfa sweswi: ku lulama, ku kwetsima, nkhuvulo wa Moya lowo Kwetsima. Hi ta ntsena hi Tinguva Ta Nkombo Ta Kereke, ekaya, hi swi fananisa kahle sweswo.

⁶³ Kutani, hi ndlela yin’wana, ku na loyi a nga tshama a swi twa eka tithepi eka tinguva ta kereke xana? Hi nkarhi wo hetelela ni vile na tona tinguva leti ndzi ti pfapfarhutile eka

bodo yo tsalela, nakona Tatana wa le Matilweni wa switiva leswaku leswi swi ntiyiso, loko ndzi tava ndzi ti hetile hi ku antswa tani hilaha ndzi nga ta kota hakona, ehansi ka ku hloholoteriwa kwaloko Xikwembu xi nga ndzi nyika kona, laha Ntsumi ya Hosi ley mi yi vonaka eka xifaniso xexo (votala mi xi vonile xifaniso xexo, a mi ri vonanga xana, Rivoni lero?), Ri tile ekamareni, emahlweni ka kwalomu ka madzana manharhu kumbe madzana ya mune ya vanhu, ri famba ri ya etlhelo ka khumbhi (tani hi Rivoni tani hi sweswo) ri fika ri pfapfarhuta tinguva leti ta kereke rona hi Roxe. Hinkwerhu hi tlakukile kwalahaya hi Ri languta, hi Ri hlalela loko ri pfapfarhuta nguva yo sungula ya kereke, ya vumbirhi, ya vunharhu, na ya vumune, ya vuntlhanu, ya vuntsevu, na ya vunkombo.

⁶⁴ Sweswi, ku na vanhu lava va nga tshama lahwani va nga timbhoni ta swona. Yimisani mavoko ya n'wina loko swi ri ntiyiso sweswo. Bibele yi teri, "Hi nomo wa timbhoni timbirhi kumbe tinharhu."

⁶⁵ Un'wana na un'wana loyi a tshamile kwalahayani, u tlhave mikhosi na swin'wana, ndzi ku, "Lahaya! Sweswi, mi lave ku Ri vona, un'wana na un'wana a nga Ri languta." Hi awara ya khume n'we ri xile, ri yimile lahaya ekhumbhini, kutani ri pfapfarhuta tinguva leti ta kereke, ntsena laha ku nga Moya wo tala, kutani na munyama ku kombisa leswaku Moya wu punyarisiwile kutani wu ya eka Nguva ya Munyama kutani wu tlhela wu vuya nakambe, ntsena hi ndlela ley ndzi nga yi pfapfarhutisa xiswona. Kutani hi na xona, xifaniso xa swona, na hinkwaswo leswi swi nga pfapfarhutiwa, swi hayekiwile ekhumbhini. Kutani kwalahaya a kuri sweswo hakunene. A kuri loko Moya wa Hosi wu kwetsimisa sweswo loko swi tava swi hetisekile, hikuva U tlhele a vuya a ta swi tiyisisa sweswo leswaku swi ntiyiso.

⁶⁶ Kutani hi hanya eka Nguva ya Kereke ya Laodekiya, nguva ya kereke ley yi nga fuma ley yi ehlketaka leswaku a yi pfumali nchumu, nakona a va switivi leswaku a va ambalanga, va khombo, mabofu; nakona a va switivi, wa vona. Sweswi, hinkwaswo leswi, i xifananiso.

⁶⁷ Sweswi, dyambu reriya ri nga xa e...ri nga xa eVuxeni ra hari dyambu reriya ri pelaka eVupela-dyambu. Sweswi, a hi yimeni nyana swintsongo hi tiyisisa hungu leri. Ha switiva leswaku dyambu, rero i d-y-a-m-b-u, mafambiselo ya sola. Kambe N'-w-a-n-a wa Xikwembu u xikele ehansi, eka ku vangama ka Xikwembu na ku Vonakala ka Xikwembu, eVuxeni. Kutani hi vile na magidi mambirhi ya malembe sweswi, ya tekeriwaka enhlokweni hi Hosi, U teri, "Ku ta fika nkarhi lowu wu nga tava wu ngari siku kumbe vusiku, ntsena ri tava siku leri ri kanganyisaka; kambe hi nkarhi wa ni madyambu ku tava na ku Vonakala."

⁶⁸ Sweswi, loko mi nga swi xiyisia, Moya lowo Kwetsima wu wele eka vanhu va le Vuxeni ku sungula. Kutani hi vile na nkarhi wa ku joyina kereke ntsena nale makun'wini nyana ya ku yimisiwa hi ku tlakuriwa, na swivangelo nyana leswi a swi fanele ku lweriwa. Kambe hi nkarhi wa ni madyambu, eVupela-dyambu bya hafu ya misava, kutava na ku Vonakala. Kutani hi le ka nkarhi walowo sweswi! Nhluvuko wu ta tani hi ku fayeleleka kusuka eVuxeni, wu ri karhi wu rhwalela vudyoho hinkwabyo tani hiloko wu ta, kutani wu ba eWest Coast tani hi xibulusi, kutani wu tlhele wu wa, kutani ndzhawu leyi yi nga onheka ngopfu ndzi yi tivaka yile West Coast. Swin'wana na swin'wana leswi u lavaka ku ehleketa hi swona, va na swona, vudyoho, vumbabva, ku thalana, ku tekana, Hollywood, goji reriya ra tihele! Sweswo hi swona hakunene.

⁶⁹ Ndzi pfumela eka ku kwetsima ka xiviri ka Bibele. Kutani a ndzi pfumeli eka vumbabva lebyi na maendlelo yo bola lawa ya nga vekiwa leswaku ya va swikombiso emahlweni ka vanhu va ka hina, leswi vitaniwaka Hollywood. Kutani minkarhi hinkwayo ni lwisana na swona. Nakona ndzi pfumela leswaku munhu loyi a nga na Moya wa Xikwembu eka yena u ta lwisana na swona, hikuva Moya wa Xikwembu wu ta vula vumbhonni bya leswaku "swi hoxekile" eka yena.

⁷⁰ Sweswi ndzi ehleketa leswaku sweswo hi xin'wana xa... Hi tolrevele ku ya eParis kuya kuma swikombiso swa ku hluvula ka vavasati va hina, sweswi Paris yi ta kwalahawani yi hi kuma kona. Wa vona? Hollywood yi rhangele misava. Na tifexeni to hluvula leti hi nga na tona namunthla, halahaya France (ntsena ehleketa ha sweswo!), yaleylo ya vudakwa, ya pongo leyikulu, tindhawu ta vugangu, kutani hambi swi ri tano Hollywood yi swi ba hinkwaswo sweswo.

⁷¹ Kutani na tithelevhxini ta hina hinkwato, hinkwaswo leswi va nga na swona eka yona hi leswi swi nga twakaliki, ntsena kova mafenza ya thyaka, na vumbabva lebyi byi nga bola, ntsena ku pela eka swin'wana na swin'wana. Kutani vanhu, javulosi... A hi nga pfumeleli leswaku vana va nga ya eka—eka tibayisikopo malembe lawa lawa ya nga hundza, hina Mapentekostal ya khale, kambe sweswi javulosi u rhetemukile a nghenisa yin'wana endlwini ya hina. Ma swi vona? Swingaleswi ntsena u nghenisile bayisikopo.

⁷² Sweswi, kutani swi—swi tani hi—hi nchumu lowu wu chavisaka swinene hi ku—ku ehleketa leswaku misava yi nghena eka ku onhaka loku, hikuva hansahansa hinkwayo, ma swi vona, ntsena yi papamala hi ndlela leyi, yi ta na nhluvuko.

⁷³ Kambe nkarhi hinkwawo...Ndzi ta chumayela eka rin'wana ra masiku lawa, loko Hosi yi swi rhandza, hi masiku mantsongo, eka *Ku Hlayelela*. Ma swi tiva, ndza—ndza swi tiva leswaku misondzolotile, kutani swingaleswi ha—ha swi vona

ntsena lahaya leswi swi humelelaka. Xikwembu xa swikota ku endla swin'wana hi Kereke ya Xona, na xona, nkarhi hinkwawo, ma swi vona, loko swilo leswi swa haya emahlweni. Kutani sweswi hi le nkarhini wa makumu, hi khensa Hosi!

⁷⁴ Nguva yin'wana na yin'wana yi na hungu ra yona na murhumiwa wa yona. Xikwembu xi swi vonile sweswo. Hinkwato...Hambi kuri eka tinguva ta kereke, hi kuma leswaku yin'wana na yin'wana a yi ri na murhumiwa wa yona, kutani yin'wana na yin'wana yi hanye hi nguva ya yona; kutani ku nghena yin'wana, kutani leyi yin'wana yi hundza; kutani ku nghena yin'wana; ku ya ehansi eka nguva ya kereke ya vunkombo; nyeleti yin'we, ntsumi yin'we ya kereke, murhumiwa un'we.

⁷⁵ Kutani hi kuma leswaku, eka nguva yo hetelela ya kereke, eka Nhlavutelo 10, ku fanele ku va na nanga leyi yi nga ta yimba, nakona kuna nkombo wa marito lawa ya nga twakala eka...A va pfumeleriwanga ku tsala. Kambe swi lemeriwile endzhaku ka Buku, swilemo swa nkombo swile ndzhaku ka Buku. Endzhaku kaloko Buku yi tsariwile, kutani Yi lemeriwile endzhaku lahaya hi swilemo swa nkombo. Sweswi, ku hava loyi a swi tivaka leswaku i yini. Kambe Yi teri, "Emasikwini ya ntsumi ya vunkombo loko yi ta yimba Hungu ra yona," yaleyo i ntsumi ya le *misaveni*, sweswi.

⁷⁶ Hikuva Ntsumi *leyi* yi xika yi huma eTilweni; nakona *leyi* yile misaveni; *ntsumi* i "murhumiwa," murhumiwa wa nguva.

⁷⁷ Kutani hi swi tekela enhlokweni leswaku U veckile eka Yena...u na kwangula-tilo enhlokweni ya Yena kutani a tlakusa voko ra Yena kutani a hlambanya hi Yena loyi a hanyaka hilaha ku nga heriki, leswaku nkarhi a wu nga havi kona (loko marito lawa ya nkombo ya ta twakala, tindlati ta nkombo ti twakarisa marito ya tona). Nakona U va byerile leswaku, "Va nga tsali, kambe a va Swi lemeli kunene." Kutani ha swi kuma leswaku a swi ri ethelwesi ra le ndzhaku ka Buku.

⁷⁸ "Kambe loko ntsumi ya vunkombo yi tava yi hetile Hungu ra yona, vuprofeta bya yona bya siku, kutani xihundla xa Xikwembu xi ta hetiseka," un'wana na un'wana wa switiva leswaku Bibele yi vula tano. Xihundla xa Xikwembu, leswi Xikwembu xi nga Xiswona, leswaku Xikwembu i Mani, kutani na hinkwaswo kuya fika eka ndlela ya nkhuvulo na swin'wana, leswi swi nga ta tshamisekisiwa hi siku lero.

⁷⁹ Murhumiwa un'wana na un'wana a ri na hungu ra yena, kutani hu-hu hungu na murhumiwa wa nguva. Nakona swa fanela ku tivisiwa leswaku murhumiwa un'wana na un'wana...Ha swi kuma hambi kuri ku swi kuma eka tinguva ta kereke (kutani vusiku lebyi hi ta tlhelela eka Testamente ya Khale hi ya kuma loko ka ha ri nchumu wun'we) leswaku

Xikwembu xi rhumela murumiwa wa nguva yaleyo emakumu ka nkarhi walowo; minkarhi hinkwayo emakun'wini, ku ngari emasunguleni. Emakumu!

⁸⁰ Sweswi, tani hi nguva ya Luther yi nyamaleleke, kutani ku nghena ya Wesley. Kutani loko ku kwetsima hi Wesley ku nyamalarile, ku nghene ya Pentekostal. Wa vona? Minkarhi hinkwayo i murumiwa a pfulaka hungu lerintshwa emakun'wini ya ra khale. Swi endliwa eka nguva yin'wana na yin'wana. Ha switiva leswaku walowo i ntiiyiso.

⁸¹ Leswi swi tshamela ro vuyeleta eka nkarhi wun'wana na wun'wana eka Bibebe. Hi kuma leswaku eka Matsalwa yo kwetsima, ndlela hinkwayo, sweswo swi le makun'wini ya nguva ya khale na yintshwa leyi yi nghanaka, nguva yaleyo ya nyamalala kutani nguva leyintshwa yi nghena, Xikwembu xi rhumela murumiwa.

⁸² Kutani tani hi ntolovel—hi ntolovel, nkarhi hinkwawo loko murumiwa a ta, minkarhi hinkwayo kuva kuri ku vitana loku ku humaka eRitweni, a swikali swi hluleka. Tsundzukani, Leyi i nhlavutelo lowu wu hetisekeke wa Yesu Kreste, ku hava lexi xi nga engeteriwaka eka Yona kumbe ku hunguta eka Yona. Yi nhlavutelo lowu wu hetisekeke wa Yesu Kreste. Nakona ndlela yin'we ntsena leyi hi nga vaka na ntiiyiso ha yona: loko nchumu wun'wana na wun'wana wu nga pfuka exikarhini ka hina lowu wu hambaraka na nhlavutelo lowu, kutani wu hoxekile. Wa vona? Swi fanele ku "Tlhelela eRitweni!" kutani minkarhi hinkwayo wa vitana leswaku ku tlheleriwa endzhaku.

⁸³ Kutani eka mhaka yin'wana na yin'wana eka Matsalwa, mhaka yin'wana na yin'wana, Xikwembu xi tirhisa muprefeta ku vitana nguva yaleyo endzhaku, minkarhi hinkwayo. Swi endla... Ee, ku hava na nkarhi na wun'we swi nga tsandza, minkarhi hinkwayo Xi rhumela mu—mu muprefeta! Nakona hikokwalaho ka yini Xi endla sweswo? Swi hikuva Bibebe yi ri, "I muprefeta loyi Rito ra Xikwembu ri taka ha yena," mupaluxi wa Rito.

⁸⁴ Sweswi, ndza—ndza—ndza tshembha leswaku a mile kuveni ka kuka mi nga ni twisisi. Wa vona? A ndzi vuli leswaku mi nga ndzi twisisi, kambe ndzi vula kuva na ntiiyiso naku tshembheka eka ku vitaniwa. Hi lava kuva xisweswo.

⁸⁵ Sweswi, Xikwembu minkarhi hinkwayo xi tirhisa mu—mu profeta, ku nga munhu. Loko u tirhisa ntlawwa wa vanhu, u ta kuma miehleketo yo hambaraka; wa vona, munhu un'wana na un'wana, vanhu vambirhi. A xi se tshama Xi va na vaprefeta vambirhi lavakulu emisaveni hi nkarhi wun'we. Xi teka un'we, swingaleswi loyi un'wana a nga teka ndhawu ya yena siku rin'wana, na hungu rin'wana. A Xi se tshama xi va na vambirhi, Xi va na un'we hi nkarhi wun'we.

⁸⁶ Kutani Xikwembu lexi nga riki na makumu a xi ncinci nongonoko wa Xona, minkarhi hinkwayo Xi boheka ku tshama ni leswi Xi nga swi sungula. Hi xona xivangelo xa kuva niku tssembhela eka leswi Xi swi vulaka, Xi ngaka xi nga ncinci. Loko Xi ponisa munhu eka masungulo ya ripfumelo ra yena eka Xikwembu, munhu loyi a landzelaka u ta fanela ku ponisiwa hi ndlela yin'we.

⁸⁷ Loko Xikwembu xi ta endla ndhawu laha Xi nga vaka na xinakulobye na xivumbiwa xa Xona, Adam u ringetile ku ti endlela ndlela yena hi yexe, kutani a ti endlela matluka ya nkuwa yena na nsati wa yena, kuva va ti endlela tiepron. Xikwembu xi ti a rile. Kutani Xikwembu xi kunguhatile eka nongonoko kumbe laha Xi nga hlanganaka na munhu kutani xi va na xinakulobye na yena, kutani kwalaho a kuri ku halaka ka ngati. Nakona a Xi kalanga xi swi ncinka.

⁸⁸ Sweswi, tani hi Methodist eka Baptist, hi nga ha tlhavula voko ra un'wana. Kambe hi mhaka ya kuva u ri wa Methodist na Baptist hi hava swilo leswi hi hlanganaka eka swona, ndzi le ku kokeni eka Baptist kutani wena u koka eka Methodist, kumbe swi fambisana. Kambe kuna mhaka yin'we laha vapfumeri hinkwavo va nga hlanganaka kona, kwalaho hi le hansi ka Ngati leyi yi nga halaka. Kwalaho hilaha hi hlanganaka kona niku veka etlhelo swilo leswi hinkwaswo. Swingaleswi a hi nge swikoti leswaku hinkwerhu hi ta eka nhlangano wun'we, hi ngaka hi nga swi endli sweswo.

⁸⁹ Mihlangano nyana leyi leyintsongo, ndzi pfumela leswaku Xikwembu a xi ri eka yona, nchumu hinkwawo. Kambe vanhu...hikuva hi hambanile. Munhu un'wana na un'wana u vona ku hambana, munhu un'wana na un'wana u vona ku hambana, ku hava miehleketo yimbirhi yi fanaka hakunene. Kuhava vanhu vambirhi va fanaka hakunene, va vula leswaku; ku hava tinhompfu timbirhi, ku hava gandlazo wa makhuza mambirhi yo fana. Wa vona, hi endliwile ku hambana, leswaku hi nga hava na mintlawa yo hambana.

⁹⁰ Kambe Xikwembu minkarhi hinkwayo xi tirha ha un'we. A Xi ku ponisi hikuva u ri wa Methodist; a Xi ku ponisi hikokwalaho ka kuva u ri wa Baptist; a Xi ku ponisi hikokwalaho ka kuva Xi ri na leswi xi nga swi endlaka swa vumunhu na *wena!* Nakona u ponisiwa ha sweswo, leswaku u Xi amukerile. Swingaleswi Xikwembu xi nga ha tirhisana na wena. A Xi tirhisani na wena hi ku endlela kereke ya Xona, Xi tirhisana na wena tani hiloko u ri un'we.

⁹¹ Swingaleswi loko Xikwembu xi rhumela vaprofeta va Xona, varhumiya va Xona va Testamente, Xi vulavula na munhu un'we, nakona munhu yaloye u ta fanela ku tisa Hungu. Votala va suka eka yena, hinkwako, u tisa Hungu ro

fana. Kambe ku fanele kuva na tsindza wun'we. Xikwembu minkarhi hinkwayo xi na wona. Ndza khensa hikuva Xi na wona vusiku lebyi; walowo i Moya lowo Kwetsima, hakunene, hinkwerhu ha switiva. Sweswi, ku ngari ntlawa wun'wana, kambe Moya lowo Kwetsima hi wona Ntsindza wa Xikwembu. Yaloye hi yena Murhumiya wa Xikwembu wa awara.

⁹² Sweswi, i yini, eka muprofeta loyi minkarhi hinkwayo Rito ri taka hi yena, nakona loko va ri vaprofeta va ntiiyiso va Rito, Xikwembu xi tiyisisa Rito ra Xona hi muprofeta yaloye.

⁹³ Sweswi, ku vile na vaprofeta votala vamavunwa, hi vile na vona eka tinguva hinkwato. Hi tlhelela endzhaku eka Testamente ya Khale, ha va vona va pfuka va vulavula hi Vito ra Hosi, nakona a swi—a swi ngari kahle. Xikwembu a xi ngari na leswi xi nga swi endlaka ha swona. A Xi kalanga xi tiyisisa nchumu handle ka Rito Leri ri nga ra Xona. Hi ndlela yin'wana, a Xi nga ta swikota ku fambisa bindzu ra Xona hi ndlela yaleyo. Wa vona?

⁹⁴ Ntsena tsundzukani, Xikwembu ntsena xi tiyisisa Rito ra Xona! Nakona ntsena muprofeta wa ntiiyiso i... Nakona ndlela yin'we ntsena leyi u nga vulaka leswaku i wa ntiiyiso kumbe a hi wa ntiiyiso, i kuva hi Rito. Ya leyo hi yona ndlela yo n'wi avanyisa.

⁹⁵ Sweswi loko mi nga xiyisisa, ku kotisa emasikwini loko-loko Mikiya, lahaya ku yimile mune wa madzana ya vaprofeta va Vaheveru, emahlweni ka Akab na Yosafat, kutani a ku, "HI LESWI HOSI YI SWI VULAKA, 'Famba u ya hlula.'" Hi mongo wa mhaka a va ri na ntiiyiso. Kutani Mikiya u vitaniwile eka xivono, loyi a va n'wi venga hi hinkwavo. Sweswi, swi languteka tani hiloko... Mune wa madzana (a ndzi—ndzi vuli vaprofeta va Baalim) vaprofeta va Vaheveru va yima hi moya wu ri wun'we, kutani va ku, "Fambani eka Ramot wa Gilead, Hosi yi ta mikatekisa kutani mi ta hlula." Kutani vanhu lava a va ngari va tikukumuxi, hakunene a vari na nhlohlotel! Kambe vona...

⁹⁶ Kutani hikokwalaho ka yini nakulorhi loyi un'wana a nghena hi vito ra—ra Mikiya, loyi a ri jaha ra Imlah, kutani a tlhela a vuya a ta profeta ku hambana na vona? Sweswi, sweswo swi tseme nhlana, swi teke ku khorwisa. Wa vona? Kambe a switiva njhani leswaku u na ntiiyiso? Loko u yimile kwalahaya, u nga switiva njhani xana? Ndlela yin'we leyi u nga swi endlaka, i ku teka leswi wanuna a swivilaka kutani u swi pimanisa na Rito. Wa vona? Sweswi, Mikiya a ri eRitwemi hakunene, hikuva Eliya, muprofeta yaloye lonkulu loyi a ri na Rito ra Hosi, ntsena u rhukanile Akab na Yezebele ni hinkwavo. Wa vona? Nakona xana Xikwembu xi nga hundzuluka njhani xikatekisa leswi rhukaneweke xana? Wa vona, swingaleswi swi ngaka swi nga tirhi.

⁹⁷ Sweswi, hi kuma leswaku Xikwembu xi tiyisisa Rito ra Xona. Rito ra muprofeta, loko a ri muprofeta, swingaleswi i... u

vulavula kuya hi Rito. Bibele yi teri eka ndhawu yin'wana, yi ku, "Loko va nga vulavuli ku ya hi nawu na vaprofeta, ku hava ku Vonakala eka vona." Kutani vitana...Kutani murhumumiwa loyi u vitana lava Va nga vitaniwa. A ri kahle ku ya hi Rito ra Xikwembu, a khorwisa leswaku u na ntiyiso.

Xiyisisani, xiyisisani, sweswi hi ta nghenisa swimunhuhatwa swintsongo kutani hi yingisela.

⁹⁸ Nowa a ri mbhoni ya Xikwembu enkarhini wa makumu wa ndhambhi. Sweswi, langutani hilaha hungu ra yena a ri hambana ha kona eka misava hinkwayo ya ndhambhi. Hikokwalaho ka yini, wanuna a tekiwa a ri loyi a vabyaka. Hikokwalaho ka yini, yena...Kambe, hambi swi ri tano, a ri na Rito ra Hosi hakumene. Sweswi, Xikwembu xi vurile leswaku Xi "ngaka xi nga pfumeleli vudyoho," swingaleswi Xi...loko vanhu va sungula ku dyoha, kutani Xikwembu xi xikele ehansi kutani Nowa a chumayela hungu ra nkarhi wa makumu. Xana a kuri rihi? Ntsena loko nkarhi wa makumu wu nga se fika, murhumumiwa loyi u pfukile. Xikwembu xi rhumele muprofeta loyi na hungu ra nkarhi wa makumu. Nakona u hlekiwile, a sandziwa, a endliwa xihlekiso, nakona ntsena i ndyangu wa yena lowu wu nga ponisiwa. Hi swona sweswo. A ku ri hava loyi a n'wi pfumela. Kambe a ri na hungu ra nkarhi wa makumu. Sweswi, hinkwavo lava va nga pfumelangiki va avanyiseriwile, kutani lava va nga ri pfumela hungu va ponisiwile. Xikwembu xi va nyikile Vutomi nakona va ponisiwile, kutani lava vo ka va nga Ri pfumelangiki va lovile.

⁹⁹ Sweswi, ndzi le ku fananiseni ka swin'wana. Xiyisisani Xikwembu, hilaha Xi swi endleke leswi ka nharhu.

¹⁰⁰ Nakona nharhu i nambara leyi yi hetisekeke ya Xikwembu. Xikwembu xi hetiseka eka nharhu, tani hi, "Tatana, N'wana, na Moya lowo Kwetsima," na "ku lulama, ku kwetsima, nkhuvulo wa Moya lowo Kwetsima." Xi hetisekile, hikuva *nharhu* i "kuhetiseka" ka Xona. *Ntlhanu* i nambara ya "tintswalo." Nkombo i...Nambara yo "gandzela," *khume mbirhi*. *Mune wa makume* i nambara ya—ya "ku xanisiwa." Kutani *makume ntlhanu* i "jubili," ku gandzela. "Pentekost" swivula *makume ntlhanu*. Nakona, makume mune wa masiku Muxe a ringiwa, makume mune wa masiku Kreste a ringiwa, ma swi vona. Kutani hinkwaswo leswi i swi fananiso. Sweswi, Xikwembu xi hetiseka eka nharhu.

¹⁰¹ Ku na makumu manharhu. Yo sungula ya wona, hiloko Nowa a nghena *endzeni* ka ngalava; nkarhi wa vumbirhi, Lot a *huma* e—e Sodoma. Langutani, Yesu u kongomisile eka wona, "Tani hilaha a swi ri emasikwini ya Nowa na le masikwini ya Lot, swi tava tano eku vuyeni ka N'wana wa munhu." Langutani! Yo sungula i ku nghena *endzeni*, ya vumbirhi i ku *huma*, kutani lawa ya landzelaka i ku ya *ehenhla*.

Ahaa. Wa vona? Ahaa. Ku nghena *endzeni*, ku *huma*, ku ya *ehenhla!* Sweswi, xexo i xileriso xa Hosi. Wa vona, Yesu u va kombisile hi vaprofeta vambirhi. “Tani hilaha a swi ri hakona emasikwini ya Nowa,” wa vona, “nakona tani hiloko swi ri emasikwini ya Lot,” Abraham kuva a ri muprofeta, “tani hilaha a swi ri hakona, swi tava tano eku vuyeni ka N’wana wa munhu.” Wa vona, u kongomisa endzhaku eka vona.

¹⁰² Sweswi, Muxe, muprofeta un’wana, emakun’wini ya nguva ya Maegipta. Hi kuma leswaku loko Xikwembu xi ya kutsula vanhu va Xona, kutani Maegipta ya va xanisile ku biha, va ti endla va tirhisi va vona, vinyi va vona, kumbexani. Kutani swingaleswi a ku nga se fika makumu ya vona, Xikwembu, tani hi ntolovel, Xi rhumerile muprofeta na Rito ra Hosi. Tsundzukani, muprofeta hakunene u tivisa leswi Xikwembu (madzana ya malembe ku nga se fika sweswo, mune wa madzana wa malembe na swin’wana ku nga se fika sweswo) xi nga swi tshembhisa Abraham, leswaku mbewu ya yena yi ta luvela etikweni ra vambe, kambe Xi ta va humesa hi voko ra matimba. Ma swi tiva, eka xihlahla lexi xipfurhaka loko Muxe a ta hlangana na Xikwembu, kutani Xi ku eka yena, “Ndzi yingisile swirilo swa vanhu va Mina, Ndzi vonile ku xaniseka ka vona, Ndzi tsundzuke ntwanano wa Mina.” Ku tsundzuka Rito ra Xona!

¹⁰³ Tsundzukani, Xa ha ri tsundzuka Rito ra Xona! Wa vona? A Xi hluleki, Xi boheka ku endla swo fana nkarhi hinkwawo. Xivangelo xa kuva ndzi vula leswi, hi leswaku hi nga ha kota ku swi seketela emiehleketweni ya n’wina na ku ehleketa. Hambi kuri n’wina vanhu lava vabyaka; mi swi xiyisisile leswaku ndzi teri “lava” vabyaka.

¹⁰⁴ Sweswi, xiyisisani sweswi, n’wina vanhu hinkwerhu mi fanele mi swi tsundzuka leswi, leswaku Xikwembu xi ngaka xi nga ncinci! I Xikwembu lexi nga hundzukiki. Minkarhi ya ncinka, vanhu va ncinka. Xikwembu hi lexi xi nga riki na makumu, Xi ngaka xi nga ncinci! Xi...Xi boheka ku tshama ku fana na tolo, namuntlha, ni hilaha ku nga heriki, Xi boheka ku tshamisa xisweswo. Kutani loko hi pfumela leswaku Leri i Rito ra Xikwembu, hi nga ha veka ku tshembha ka hina eka hinkwaswo leswi Xi swivulaka. Wa vona?

¹⁰⁵ Sweswi, ma swi vona hilaha hungu ra Xona ri tisaka xiswona, hilaha Xi rhumelaka hakona hungu ra Xona. Xi ngaka xi nga swi ncinci sweswo, minkarhi hinkwayo Xi swi endlisa xisweswo. Xi fanele ku tshamisa xisweswo nkarhi hinkwawo. Yaley hi yona ndlela leyi minkarhi hinkwayo Xi endlisaka swona. Sweswi, tsundzukani, Xi swi endla nkarhi muni? Ntsena ku nga se fika makumu, ntsena emakun’wini ya nguva. Kwalaho hilaha Xi rhumelaka hungu ra Xona ku ta vitana vanhu va Xona, (minkarhi hinkwayo va va kuma va hlangananile), kutani lahwani va ta.

¹⁰⁶ Sweswi, emasikwini ya Muxe, vapfumeri va ponisiwile, lava nga pfumeriki va lovisiwile.

¹⁰⁷ Lava a va pfumela hungu ra Muxe leri a ri huma eka Xikwembu, sweswi, a va tava va nga swi endlanga handle kaloko Muxe a tava a tivisiwile hi Xikwembu ni ku khorwisa leswaku Rito ra Xikwembu a ri ri na yena. Leswi swi nga n'wi endla leswaku a va muprofeta. U humile lahaya a ku, "Mundzuku, hi nkarhi lowu, u ta vona *leswi-na-leswi* swi humelela." Mundzuku, swi teka ndhawu. A kuri hinkwaswo ka swona sweswo. Muprofeta un'wana na un'wana wa ntiyiso wa Xikwembu loyi a vulavulaka hi Vito ra Hosi u ta swi endla. "Kutani ku ta fika nkarhi laha *leswi-na-leswi* swi nga ta humelela. Ndzi ya eka Faro, kambe u ta nonohwa, ku nonohwisiwa mbilu. U ta ku u ta hi pfumelela leswaku hi famba kambe a nge swi endli." Kutani, swi ta humelela. Wa swi vona? Hikokwalaho ka yini? Kutani vanhu a va n'wi tiva leswaku wanuna loyi u rhumeriwe hi Xikwembu. Kutani va sungurile ku vona leswaku Xikwembu xi n'wi katekisile, nakona va n'wi xiximile, kutani loko va swi endlile, ku humelerile swilo leswikulu.

¹⁰⁸ Kutani vanhu lava va nga hleka niku swi endla xihlekiso niku ala ku amukela hungu ra yena, va lovisiwile na hinkwavo lava va nga pfumeriki.

¹⁰⁹ Kambe vapfumeri va humile va ya nghena etikweni ra xitshembhiso, va fambile va ri ehansi ka hungu ra ntoto ra murhumowi. A kuri hungu ro kutsuriwa, laha Xikwembu xi tshemhiseke leswaku Xi ta humesa vanhu va Xona xi va yisa etikweni leri ri khulukaka ntswamba na vulombe. Nakona swi humelerile, hikuva Xikwembu a xi swi vurile sweswo, nakona Muxe u tile nakona a ri loyi a nga tiyisisiwa tani hi murhumowi wa siku lero.

Sweswi, sweswo swi swiveka erivaleni eka hina sweswi.

¹¹⁰ Hi swona, kutani hi kuma leswaku Muxe u tivisiwile kahle.

¹¹¹ Kutani eku ncinceni ka nguva, nkarhi wu fikile wa... exikarhi ka nawu na tintswalo. Ku fanele ku fika nkarhi laha Mesiya a nga vuriwa leswaku wa ta. Hi kuma leswaku nkarhi lowu vanhu va nga wu ncincela enawini, wu swi endla hinkwaswo swi va ehansi ka ntlawa wa swin'wana, ni kuva va va na maendlelo hi—hi nkawo ya mindzhavuko ya vanhu, va ti nghenisile eka yona. Eku ncinceni ka nkarhi ku tile Yesu, muprofeta un'wana, Xikwembu xa muprofeta.

Sweswi, mi ri, "A nga ri muprofeta."

¹¹² Bibele yi vula leswaku A ri tano. "Hosi Xikwembu xa n'wina xi ta mi pfuxela Muprofeta loyi a kotisaka mina." A ri Xikwembu xa muprofeta, eku ncinceni ka nkarhi exikarhi ka nawu na tintswalo, leswi A nga swivula eka malembe lawa hinkwawo. Endzhaku kaloko A nyikile nawu eka Muxe, kutani eka ku ncinka ka nkarhi, loko A te swi ta endleka, kutani

U vuyerile endzhaku eka tintswalo. Kutani Xi rhumerile Muprofeta a profeta hi nkarhi. Sweswi—sweswi, vapfumeri, Xi va hlengeletile; lava nga pfumeriki va lovisiwile hi siku ra yena. Hinkwavo lava a va pfumela eka Xona va ponisiwile; hinkwavo lava va nga pfumelangiki hungu ra Xona va lovile.

¹¹³ Sweswo hi swona hakunene leswi swi nga humelela hi masiku ya Nowa; sweswo hi leswi swi nga humelela hi masiku ya Lot; sweswo hi leswi swi nga humelela eka masiku man'wana, masiku ya Muxe; sweswo hi leswi swi nga humelela hi masiku ya Yesu Kreste. Hikuva va tekele ehansi hungu kutani va lovisiwa, kutani lava va nga pfumela hungu va lovisiwile...kumbe va ponisiwile.

¹¹⁴ Sweswi, sweswi, kutani ku ta ku nghena ka ku hela ka minkarhi ya kereke. Hi hanya eka nguva ya Nowa, ya ndhambhi; hi ta eka ku hela ka minkarhi ya nawu; kutani nale ka ku hela ka minkarhi ya tintswalo, ku nga ya kereke. Kutani sweswi ku hela ka minkarhi ya kereke ka hela. Hinkwerhu ha switiva sweswo.

¹¹⁵ Sweswi, loko Xikwembu xi endli *leswi-na-leswi* eka ku hela ka minkarhi yaleyo, eka ku hela ka minkarhi kun'wana ku mbirhi, Xi fanele ku tshamisa xisweswo niku endla swo fana eka ku hela ka minkarhi loku, hikuva Xi teri xi ta tlhela Xi swi endla. Ndzi ta swi khorwisa hi timinetse letintsongo, hi Rito, leswaku Xi vule leswaku Xi ta swi endla. Sweswi, Xi ngaka xi nga ncinci nonganoko wa Xona, hi Xona Xikwembu. Xiyisisani leswi Xi nga va endlela swona eka ku hela ka minkarhi ya vona.

¹¹⁶ Sweswi hi fika enkarhini wa makumu wo hela ka minkarhi yo hetelela ya kereke. Sweswo hi leswi ndzi nga swi hlaya vusiku lebyi:

...kutava na ku Vonakala hi nkarhi wa ni
madyambu.

¹¹⁷ Hi vile ni minkarhi yo tala leyi yi nga twisisekiki, kambe ku tava na ku Vonakala. N'wana ya luya loyi a nga ta a ta ncinka ku hela ka minkarhi kwalaho, u tile nakambe! Sweswo ku tava kuri ku famba kusuka emisaveni ku ya eVukwetsimeleni. Hi ta nghena eka sweswo. Nkarhi wun'wana hi *nghenile*, eka wun'wana nkarhi hi *humile*, kutani eka lowu nkarhi hi ya *ehenhla*! Wa vona? Hi swona: endzeni, ehandle, ehenhla. Hi ta emakun'wini wa nkarhi. Nakona a ho ta ntsena, khale hi fikile. Hi le makun'wini wa nkarhi!

¹¹⁸ Xana Xikwembu xi kuma yini eka nkarhi lowu wa makumu? Xikwembu xi kuma ntsena leswi Xi nga swi kuma eka makumu ya minkarhi leyin'wana, ku ka va nga pfumeri! Xi hi ndlela yaleyo minkarhi hinkwayo, Xona, loko Xi ta, Xi—Xi kuma ku ka va nga pfumeli. Xi kuma leswaku nonganoko lowu Xi nga wu vekela vanhu... .

¹¹⁹ Endzhaku lahaya hi nkarhi wa Nowa, loko va tava va hanyile endzhaku eka ku pfumeleriwa hi Xona, va nyika magandzelo... Va fambele ekule na wona. Loko Yena a ta, U kume leswi, matirhelo ya lawa yo hoxeka.

¹²⁰ Swo fana ni leswi A swi endleke loko A ta emisaveni, U kumile vanhu na va Farisi, na kuya emahlweni, endzhaku ka nawu. Xana a va endla yini? Ntsena a kuri hava ku tshembheka eka swona hinkwaswo, ntsena a vaya emahlweni niku swi nghanisa eka mati yo thyaka eka ndlela yin'wana na yin'wana ya khale, kutani "Ntsena loko va ha joyina kereke, kutani sweswo hi swona hinkwaswo leswi a va swi lava." Nakona sweswo hi leswi A nga swi kuma.

¹²¹ Nakona sweswo hi leswi A nga swi kuma nakambe! U kume swo fana, vanhu a va ncinci. Swingaleswi loko Xi veka nongonoko wa Xona nakona vanhu va nga wu pfumeli kwalahaya a va lovisiwa, a va wu pfumela kutani va hanya, (sweswi, eka leswi swi mbirhi), swi fanele ku fana eka nkarhi lowu. Swi fanele ku fana. Ee...

¹²² Minkarhi hinkwayo i nyimpi eka murhumiya ku hambanyisa swa khale eka leswintshwa. Minkarhi hinkwayo i nyimpi yaleyo, hikuva—hikuva murhumiya u tela ku hambanyisa swa khale eka leswintshwa, laha minkarhi hinkwayo hungu ri bohekaka leswaku ri va Xitsalwa, sweswi, hikuva xin'wana na xin'wana xi sungule xi vuriwa hi xin'wana lexi xi taka.

¹²³ Sweswi, a hi swi tekeni, xikombiso, Yesu. A swi tika njhani, eka Yena kuva a nghena a ta ncinka hungu kusuka eka nawu kuya eka tintswalo. Hambi leswi Bibele yi nga vula leswaku swi ta ta hi ndlela yaleyo, "Lahaya ku ta me—me Mesiya, nakona xitlhavelo xa masiku hinkwawo xi ta susiwa." Kutani ha switiva leswaku swi profetiwile hi vaprofeta. A kuri nchumu wa kahle njhani eka Yena ku swi endla sweswo. Kambe hi kuma leswaku U swi endlile. Nakona un'wana... U swi endlile hikuva Matsalwa ya vule tano, na vapfumeri va siku lero (lava tivitanaka vapfumeri) hakunene va ngaka va nga yimi na Yena.

¹²⁴ Langutani eka Vafarisi lava, Vasaduki, a vari na mindzhavuko leyi yi nga ya vona nakona a kuri hava loyi a ta va ninginisa eka yona. Sweswo hi leswi a va swi pfumela, vamanana va vona a va pfumela sweswo, vatata wa vona a va pfumela sweswo, na vakokwana va vona va xinuna, na vakokwana va xisati a va pfumela sweswo, nakona "Muxé u vule sweswo!" Kambe Muxé ya luya a nga nyika nawu wa ha ri Muxé ya luya a nga vula leswaku Munhu loyi u tata, nakona va tsandzekile ku swi lemuka hikuva a va ri na Rito ra ntiyiso ra Xikwembu leri a ri ri eka mindzhavuko nakona a va siye nsinya wa nawu lowukulu eka yona. Nakona a swi fanele swi va hi ndlela yaleyo.

¹²⁵ Xiyisisani, un'wana na un'wana u vule ha un'wana leswaku un'wana wa ta. Un'wana na un'wana wa varhumiwa, endzhaku ka hungu, va rhange hi ku vula leswaku wa ta. Sweswi, kambe vanhu minkarhi hinkwayo va teka hungu ra siku leri va nga ri twa, va ri tshamisekisa.

¹²⁶ A hi swi tshikeni nyana, swintsongo nyana ekaya, a hi languteni eka Luther. Loko Luther a tava a chumayerile ku lulama hi ripfumelo, a ri murhumiwa, ntsumi ya nguva yaleyo ya kereke, hi swona, ya Nguva Ya Kereke Ya Sarda. Sweswi, xiyisisani, loko a chumayela, a veka Malutere eka ntshamiseko. Sweswi, kutani, lahawani u fambile Luther a ri karhi a hangalasa. Kutani loko Wesley a nghena, ku nga Nguva Ya Kereke Ya Filadelfiya, na hungu ra ku kwetsimisiwa, hikokwalaho ka yini, a swi tika eka Luther ku swi vona sweswo. Vona Malutere a va ngari pfumeli.

¹²⁷ Kutani loko Wesley a va endla hinkwavo va tshamiseka ehansi eka Pilgrim Holiness na Free Methodist, na kuya emahlweni, eka ku kwetsima, kutani xikan'we-kan'we ku ta hungu ra Pentekostal, hikokwalaho ka yini, a swi tika eka Methodist ku swi pfumela sweswo. Ahaa, hakunene, a swi ri tano. Wa vona, a kuri...

¹²⁸ Hambi swi ri tano un'wana a vulavula hi un'wana, hi ku vulavula ka Xitsalwa. Enoko u vurile hi ta kuta ka ku hela, hi ku vutliwa ka yena, Xikwembu xi n'wi yisa ekaya; a ri mbhonni. Abraham u va byerile hi ta Muxe. Na Muxe u va byerile hi ta Mesiya. Wa vona, a va tshamela ro byelana, un'wana eka un'wana. Mesiya u vurile hi nkarhi lowu, a vula hilaha lowu wu nga tava xiswona!

Mi ri, “Aa, Makwerhu Branham!”

¹²⁹ Oho, ina, U swi endlile! Ntsena a hi... Ndzi na Matsalwa yo tala ndzi nga ya tsala lahawani, nakona ntsena ndzi ta kongomisa eka mambirhi kumbe manharhu ya wona. A hi tekeni Matewu 24. Sweswi a hi tekeni Matewu, kuavanyisa ka vu24, kutani hi hilaya leswi A nge teri swi ta humelela, hilaha “Matiko ya nga ta pfukela matiko yan'wana ku ya lwisa.” Kambe, tsundzukani, kutani U ye lahaya a fika A ku, “Tani hilaha a swi ri emasikwini ya Nowa, ni hilaha a swi ri hakona emasikwini ya Lot, swi tava tano eku vuyeni ka N'wana wa munhu.” U rhange hi ku swi vula, U swi bvumbhile swilo leswi leswaku swi ta humelela!

¹³⁰ U teri, “Sweswi, loko hinkwaswo leswi swi ri eku humeleleni, nkarhi a wa hari kona,” na kuya emahlweni. Kambe a ku, “Dyondzani hi xifaniso xa murhi wa nkuwa, loko wu sungula ku humesa matluka, na mirhi leyin'wana hinkwayo, kutani ma swi tiva leswaku ximumu xi le kusuhi. Tani hi sweswo, loko mi swi vona leswi loko swi humelela, swi tiveni leswaku nkarhi wu kusuhi, wu le nyangweni.” Sweswi,

loko mi vona yini? Murhi wa nkuwa loko wu hluka, na mirhi hinkwayo yi sungula ku hluka, a xi ri xikombiso. Nakona Israel a ri ri murhi wa nkuwa nkarhi hinkwawo.

¹³¹ Yoel u profetile hambi kuri ku profeta ha swona leswaku, "Leswi swi nga siya hi mherha, xijajani xi dyile niku wisela nchumu ehansi. Kambe Xikwembu xi tshembhisile leswaku, 'Ndzi ta tlherisela, ku vula Hosi.'" Nakona Yi ta swi endla. Kambe Yi nga se tlherisela sweswo eka ntshamiseko wa swona wa ximoya, kereke ya Vamatiko yi fanele yi susiwa. Yi ngaka yi ngavi na tona tiri timbirhi hinkarhi wu ri wun'we. Sweswi, a wu nge swikoti ku endla leswaku Matsalwa ya ti jikisa wona hi woxe tani hi sweswo. Wa vona? A Yi se tshama yi va na timbhoni timbirhi hi nkarhi wu ri wun'we, timbhoni letikulu, nakona a Yi se tshama yi va—a Yi se tshama... Yi hava Tikereke timbirhi hi nkarhi wun'we.

¹³² Xiyisisani, loko kuri hi leswaku kereke ya Vamatiko yi ta fanela ku susiwa kusungula, ku ta ya Mayuda, kutani makumu ya mavhiki ya Makume nkombo ya Daniel ya ta teka ndhawu. Malembem manharhu na hafu ya vuprofeta bya Mesiya, kutani A tsemiwa, Hosana, exikarhi ka vhiki ra vumakume nkombo. Nakona, kutani, ka ha sale mavhiki manharhu na hafu sweswi. Nakona hi kuma leswaku vaprofeta vambirhi va Nhlavutelo (A nga kalanga a ncinka khanchu wa Yena nakambe), wa Nhlavutelo 11, va ta va xika va ta profetela Vayuda. Sweswi, Kereke yi tava yi tekiwile hi nkarhi walowo.

¹³³ Nakona ha ri vona Israel, nkarhi wo sungula ku ringana madzana yo tala ya malembe, hakanyingi kutlula magidi mambirhi ya malembe, sweswi ri tiko; vuthu leri ri nga ra rona, mali leyi yi nga ya rona. Israel rile tiko-xikaya ra rona; tiko leri ri nga ra rona, mujeko wa rona, ri va ra United Nations. Ri tiko! Hikokwalaho ka yini, hi rin'wana ra swikombiso leswikulu leswi hi nga ehleketa ha swona, kona sweswi, Israel eka tiko-xikaya ra rona. Kutani Yesu u teri, "Rixaka leri ri nga vona Israel loko ri tlhelela ekaya eka tiko-xikaya ra rona ri ngaka ri nga hundzi ku fikela laha hinkwaswo swi hetisekaka." Wa vona, A vulavula hi rona siku leri.

¹³⁴ Mi nge ndzi nyika xin'wana. Eka Timotiya wa Vumbirhi 3, U vulavurile hi kereke hi nkarhi wa makumu, a ku, "Va tava lava va nga yingisiki, lava tikurisaka, lava rhandzaka ku tsaka ku tlula ku rhandza Xikwembu." Va teka kereke ya misava, va ya emahlweni, "lava rhandzaka ku tsaka kutlula ku rhandza Xikwembu," va tshama ekaya va hlalela minonganoko ya thelevhixini va nge siya exikhongelweni hi Wavunharhu na madyambu.

Mi ri, "Valava i Mabaptist."

¹³⁵ Valava i Mapentekostal! Hakunene! Ina, nkulukumba. Oho! "Lava nga yingisiki, lava ti kurisaka, lava randzhaka

ku tsaka”; vekela Rito ehansi ka tinhompfu ta vona, va ngaka va nga Ri languti. Ahaa. “Lava rhandzaka ku tsaka krtlula ku rhandza Xikwembu”; byela vavasati leswaku va nga bobi misisi ya vona, kutani va yi boba hi ndlela yin’wana. Ahaa. “Lava rhandzaka ku tsaka krtlula ku rhandza Xikwembu, lava nga tshembhekangiki, valumbeti, lava va nga tiviki ku tikhoma, lava va vengaka lavanene. Va na . . .”

Mi ri, “Sweswo i ku ka va nga pfumeri.” Ee!

¹³⁶ “Va na nghohe ya vukhongeri, kambe va ala Matimba ya byona,” Matimba lawa ya nga ta ku kutsula eka ndhawu ley, eka mafambiselo lawa ya misava. “. . . Matimba ya byona; na vona u va fularhela.” U ngavi na mhaka ni leswaku vanhu van’wana va ri yini, swi le ka wena tani hi un’we emahlweni ka Xikwembu, u nga ta ti hlamulela. A swi na mhaka ni leswaku wansati yaloye u endla yini kumbe wansati yaloye leswi a swi endlaka, kumbe, wanuna loyi leswaku u endla yini kumbe wanuna yaloye leswaku u endla yini, kumbe, muchumayeri loyi leswaku u vula yini kumbe muchumayeri yaloye leswaku u vula yini; swi le ka wena na Xikwembu. “Va na nghohe,” va sala mindzhavuko hi le ndzhaku, “kambe va ala Matimba ya byona; na vona u va fularhela.” Xana hi hanya eka siku lero xana? Hakunene hi le ka rona!

¹³⁷ Langutani nakambe eka nguva yo hetelela ya kereke. Moya lowo Kwetsima, Yesu hi Xiviri xa yena, “Mina Yesu ndzi rhumele ntsumi ya Mina ku ta mbhonyela hi swilo leswi.” Kutani Nhlavutelo, ku avanyisa ka vu3, yi vulavula hi nguva ley ya kereke, Yesu u nyika vumbhoni bya leswi swi nga ta humeleta hi masiku yo hetelela, U teri, “Kereke yi tava ley yi nga fuma, Laodekiya, yo Kufumela,” ntsena yi ta tlula-tlula hinkwako loko vunanga byi ri karhi byi chayiwa va huweleta. Wa vona? Hi swona sweswo. Kambe hi vumbhoni na vutomi lebyi byi nga ta basisa, byi le kule na swona.

¹³⁸ A ndzi tivi. . . Ndzi ngaka ndzi nga mi khunguvanyiseli leswi swi nga riki nchumu, kambe ndzi vile na xivono ku ngari khale ngopfu xa kuva ndzi ri eka Paradayisi ya Xikwembu. Ndzi ngaka ndzi nga swikoti handle ka kuva ndzi mi byela Ntiyiso. Xikwembu, hi pfuni hina va vuli va rito leswaku hi tshembheka eka swilo leswi ni kuvula Ntiyiso!

¹³⁹ Wa vona, “. . . ? . . . ku titimela,” Bibele yi vula leswaku va tava hi ndlela yaleyo, swingaleswi va tava hi ndlela yaleyo. Loko swi ba hi ku hetiseka na Luther, swi ba hi ku hetiseka na . . . eka Nguva ya Filadelfiya na Wesley, yi fanele ku swi vula niku hetiseka . . . Yi vulavurile ha yona, nakona yi tava hi ndlela yaleyo eka Laodekiya.

¹⁴⁰ “Yi fumile, a yi pfumali nchumu!”” Hi nga ha vekela mabiliyonu ya tidolora eka miako, hi nga ha vekela hinkwaswo

leswi—leswi swi...leswi swi hlekisaka swa misava, hi nga ha aka tikereke ta kahle swinene. Swikahle sweswo, kuhava nchumu, sweswo swi kahle hi ku hetiseka.

¹⁴¹ Kambe ndzi ringeta ku vula leswaku, loko Hungu ri sungula ku jombha eka vona, a va ku lavi. "Wo va poto leri ri nga handzuka! U bayizani! A wu fanele u hanye makume ntlanhu wa malembe lawa ya nga hundza." Wa vona? Oho, u nga ha ehleketa hi sweswo, "Ndzi ngaka ndzi ngavi na mufundhisi wo kotisa yaloye." I mufundhisi wa wena, hi ndlela yin'wana! Yezebele a nga pfumeli leswaku Eliya a ri mufundhisi wa yena, kambe hi ntiyiso a ri yena. Hakunene a ri yena. U rhumeriwile, a va xikombiso, murhumiwa eka tiko ra Israel. Kutani namuntha Moya lowo Kwetsima wo hlawuleka wa Rito ra Xikwembu i Murhumiwa eka kereke, ku tava tiyisa niku va vuyisela eRitweni. Hi vulavula hi Rona, kambe ma swi vona ku hava loyi a fambaka. Ahaa, wa vona, hi kuma swilo leswi swi hlangananile.

¹⁴² Ndzi twe un'wana, tani hi le ka vumboni, a ku, "N'wi tlakuseleni ehenhla,' xana u N'wi tlakusela njhani ehenhla?" Nakona, oho, ntsena kuma nyana tidyondzo ta kereke! Un'wana a ku, "'Languta u khongela,' sweswo swivula leswaku pfula tihlo rin'we loko u ri eku khongeleni, u languta hi lerin'wana. 'Languta u khongela.'" (Hikokwalaho ka yini, *ku languta swivula* "ku languta ku vuya ka Hosi," u tlhela u khongela.) Wa vona, kova ku hundzuluxa nchumu ntsena.

¹⁴³ Swingaleswi, eka sweswo, xana hi endla yini? Eka sweswo, xana hi endla yini? Hi pfuxa nyana mindzhavuko nyana ya hina (nakona loko...) hambi i Xikwembu xi akaka kumbe a hi xona. Kutani hi huma hi ya ehandle, xo sungula mi xi tivaka, hi na xintlawani xi hi landzelelaka, niku va kokela ekule kusuka eka miri lowukulu wa kereke. Hi swona sweswo. Ematshan'wini ya ku nghena mi khongela niku lulamisa nchumu, niku pfumelela miri wu famba-famba, hi endla swilo leswi hambi swi akiwile kumbe a swi akiwanga. Loko mi ri na Ntiyiso, kutani tshamani na Ntiyiso. Sweswo hi swona hakunene. Kambe a kuve Ntiyiso wa Bibele ku sungula! Xiyisisani, hi...nguva leyi ya Laodekiya.

¹⁴⁴ Kutani vaprofeta, kumbe Moya lowo Kwetsima wu vulavula ha Paul, laha a kuri Mesiya. A ku ngari Paul, a kuri Kreste! "Xikwembu, xi vulavurile khale na vatatana hi minkarhi leyo tala ni mikhuva leyo tala xi vulavula hi vaprofeta, eka siku leri ro hetelela hi Yesu Kreste," Vaheveru 1, xiyisisani, Moya lowo Kwetsima, Kreste, Kreste u veikile Evhangeli exikarhi, Kreste u veikile Rito exikarhi. Kutani loko Ri veikiwile hi Kreste exikarhi, kutani ri va ritiyi-...Xikwembu xi ta Ri tiyisisa leswaku ri va Ntiyiso.

¹⁴⁵ Hi swona swi endlaka leswaku n'wina vanhu va Mapentekostal mi amukela Moya lowo Kwetsima hi ripfumelo ra Method-...nghohe ya ku kwetsimisiwa hi Methodist, hikuva mi va mi ri eRitweni.

¹⁴⁶ Hi xona xivangelo xa kuva n'wina Mamethodist mi kumeka mi kwetsimisiwa loko Malutere ma nga pfumeli eka swona, a mi ri eRitweni.

¹⁴⁷ Hi swona swi endleke leswaku n'wina Malutere mi ponisiwa, mi lulamisiwa, hikuva murhumiwa wa n'wina u chumayerile hi ku lulama, niku alelana na kereke ya Khatholiki leyi a yi humile eka ku pfurha hinkwako. Ntsena a va pfumela eka kereke; u vuyela endzhaku eBibeleni, nakona u teka ntiyiso wa Bibele yaleyo u khomelela eka wona.

¹⁴⁸ Kutani xikan'we-kan'we ku ta Wesley na ntiyiso wun'wana, kutani va khomelela eka wona; kutani ku humelela Pentekost na ntiyiso wun'wana, kutani va khomelela eka wona; kutani loko u nga khomelela eka sweswo u swi vona leswaku swi kahle, hikokwalaho ka yini u nga teki nchumu hinkwawo lowu wu nga khorwisiwa kahle? U wu pfumela hinkwawo ka wona!

¹⁴⁹ Sweswi, loko hi vona varhumiwa lava, ha switiva kwalaho. Hi vona Kreste, Xikwembu lexikulu xa muprofeta xi vulavula swilo leswi swi nga ta humelela emasikwini ya makumu. Xana swi endla yini? Swi tivisa nkarhi wa swibyariwa. Swi tivisa nkarhi leswaku swibyariwa swi ya eku tshoveriweni, leswi swi nga tava eka masiku ya makumu. Ma swi vona xana?

¹⁵⁰ Sweswi, swilo leswi swi tava emasikwini yo hetelela. Hi tiva muxaka wa swibyariwa lowu hi wu languteleke. Hi langutele kereke leyi yi nga tshama yi va naku Vonakala, yi nga Ri balekela, yi ya eka xivonivoni xa misava, eka hinkwavo lava va tipholicheke (a hi swona xana?), va fambela ekule, va ri karhi va nghenisa muxaka wun'wana wa swirho, ni hinkwaswo, kutani va swi vitana Mapentekostal, va khuvula xin'wana na xin'wana.

¹⁵¹ Mati a ya ponisi munhu. Swi lava Ngati ya Yesu Kreste. Ku hava Vutomi ematini. Vutomi byi huma eka sele ya Ngati; swi lava ku kwetsimisiwa ku basisa vutomi byebyo, ku dlaya ku tsakela ka vudyoho; kutani Moya lowo Kwetsima wu ta eka xibye xexo lexi xi basisiweke kutani xi vekiwa etlhelo xi vekeriwela ntirho, xikhongelo. Altari yi kwetsimiseriwela xibye, kambe... leswi swi nga xi tata hi leswi swi nga cheriwa exikhongelweni. Xi vekiwa etlhelo xi *vekeriwela* xikhongelo, sweswi xi fanele xi vekeriwela xikhongelo. Kutani Moya lowo Kwetsima wu veka kereke exikhongelweni. Ndzi tolrevele ku tsakela xinsin'wana xexo xi nge:

A va hlengeletanile ekamaren ra le henhla,
Hinkwavo va ri ku khongeleni hi Vito ra
Yena,
Va khuvuriwile hi Moya lowo Kwetsima,
Kutani matimba ya xikhongelo ya ta. Ina.

Kutani vunyingi bya vona va ku:

Leswi A nga swi endla eka vona hi siku lero
 A nga ha mi endlela swo fana. Hakunene.

¹⁵² Swibyariwa; vaprofeta; hi yimile lahaya eka Kreste. Sweswi ntsena hi tlhelela endzhaku swintsongo.

¹⁵³ Esaya, wa muprofeta, hilaha a nga mbhonyiyela hakona, a profeta hi nkarhi wa makumu. U teri, “Miri hinkwawo wu tava lowu wu boleke hi swilondza, matafula hinkwawo ma tava ma tele hi manhlata!” Hikokwalaho ka yini, vanhu na vavasati namunthla, va dya xilalelo, va ri karhi va tshama na vavasati vambirhi kumbe vanharhu, kumbe vavanuna vambirhi kumbe vanharhu, (hi swona) muxaka hinkwawo wa...va zaha tisigarete, ni hinkwaswo swilo leswi; va ta ekerekeni, va ta dya xilalelo!

¹⁵⁴ Sweswi, ndzi nga ya ehansi nyana eka sweswo, kambe ntsena ndzi ta yima nyana, kumbe ntsena a ma ngevi kahle. Ndzi titwa ndzi lava ku kambisisa nyana eka leswi ndzi yaka eku swi vuleni. Kambe ndzi... Mi nga ha hlaya exikarhi ka mintila. Ma swi tiva leswi Bibele yi swivulaka, hilaha leswi swi nga tolloveleka ni leswi swi nga tollovelekangiki swi nga ha kona.

¹⁵⁵ Hinkwaswo swilo leswi hi swi vona swi humelela, kutani na tiko...sayense yi ri...mune kumbe ntlhanu wa malembe lawa ya nga hundza, “I timinetse tinharhu ku nga se fika exikarhi ka vusiku.” Israel ri le tiko-xikaya ra rona. Kereke yi le ka Laodekiya. Oho, mina! Xana hi langutele yini? Mhaka i yini?

¹⁵⁶ Hi langutele ku Vonakala ka ni madyambu. Oho, ndza hlamala, loko Ku nga ta, loko hi nga Ku tiva? Kumbe Ku ta hundza hi le henhlala ka tinhloko ta hina tani hilaha a swi ri endzhaku eka tinguva letin’wana? A va kalanga va swi tiva ku fikela laha swi hundzaka swi famba.

¹⁵⁷ Ma tsundzuka, vona vanhu lava va khongelaka hi vona lava va nga dlaya vaprofeta lava a va rhumeriwela vona. Yesu u vule tano. U teri, “N’wina vatikukumuxi!” A ku, “Mi aka masirha ya vaprofeta, nakona vatatana va n’wina hi vona va nga va veka kwalahaya kutani va vaakela na maribye ya vona.”

¹⁵⁸ Langutani eka kereke ya Roman Khatholiki, yi akile sirha ra Mukwetsimi Patrick, yi akile sirha ra—ra Joan wa Arc. Va dlayile wansati yaloye, kutani va n’wi hisa tani hi noyi, hikokwalaho ka kuva a ri wa ximoya, hikokwalaho ka kuva a vona swivona. Va n’wi hisele emhandzini, tani hi noyi. Endzhaku ka madzana mambirhi wa malembe va yemburile mintsumbu ya vaprista va yi hoxa enambyeni, ku ti vula swidyo, va ri karhi va switiva leswaku a ri nandza wa Kreste. Kambe, hi siku, a va nga switivi leswaku a ri mani, loko kereke ya ha hundza.

¹⁵⁹ Nakona Yi famba hi le henhlala ka vanhu nakona va ngaka va nga Yi tivi.

¹⁶⁰ Yesu, a va switivanga leswaku A ri N'wana wa Xikwembu kufika laha A faka a tlhela a lahliwa a tlhela a pfuka nakambe. Xana Petro a nga va vonanga nandzu hi Siku ra Pentekosta xana? “N'wina vanhu va mavoko yo biha mi nga teka Hosana ya Vutomi, kutani mi Yi dlaya, mi N'wi dlaya!”

¹⁶¹ Oho, ku hatima ka xikoweto xo tshwuka xa ku vuya ka Yena kule hansi! Amen! Hi le makun’wini. Amen. Ku hatima ka xikoweto xexo xo tshwuka xi hinkwako, hinkwako, “Ikhabod,” a swi tsariwile ehenhla. Nkarhi wu fike emakumu. Nkarhi wu herile!

¹⁶² Sayense yi fikile emakun’wini ya yona. Sweswo hi swona. Va sungule swin’wana leswi va nga pfurhetelaka misava hinkwayo, un’wana na un’wana u le ku chaveni ka un’wana. Va le ka nkarhi wa makumu.

¹⁶³ Nhluvuko, wu fike endzhawini laha vanhu... nhlohhlorhi yi jombha yi tlhelela endzhaku. Vanhu a va na maendlelo yo kombisa leswaku i vanhu lava va nga hluvuka. Mi nga ha swi anakanya loko munhu a lava kuva wa biti ya nhamu, na malebvu ya yena lawa ya nembelelaka ehansi tani hi *leswi*, na mukhava wa yena wu nembelelaka exisutini xa yena, wu kokova ehansi erivaleni ra xikolo tani hi sweswo (vutlhharhi bya misava lebyi byi nga ta ta endzhaku ka leswi, loko kuri na un’wana wa yona), a ri karhi a teka xinhwenyetana xa khume mune wa malembe a ti humesa na xona, va huma va va exitarateni?

¹⁶⁴ Namuntlha, eka motela wa mina, kwalahaya a ku pavalarile mhani loyi a pfumalaka swiambalo leswi swi nga ringanelangi a nga na leswi swi nga ringanelangiki a nga ambala xilakanani kuri na xibalesa xa ‘shotgun’ masocha, na nuna wa yena loyi a nga pavalala halahaya hi ndlela yo fana, na moyo walowo wo titimela. Va ehleketa leswaku mimiri ya vona yi saseke ngopfu leswaku va nga yi kombisa. Xana a mi swi voni sweswo leswaku i javulosi xana? Hi swona sweswo. Va ti hluvula swiambalo swa vona, swi endlili ntsena hi lava va rihuhi sweswo. Vandla u swi endlili sweswo hikuva a penga. Xiyisisani! Nakona hi na swona sweswo, kambe sweswo va swivula “xitayele,” sweswo va swi vula “ximanguva lawa.” Hina hi swi vitana “javulosi!” Ndzi na Bibele ku swi khorwisa sweswo leswaku i javulosi. I ku ngheneriwa hi javulosi, ku ngheneriwa hi dimona (ku ngari ku tshikeleriwa). Ku ngheneriwa, u mi kumile! Hi swona sweswo. Va byeli ha swona? Va ta swi pfurhetela. A va lavi nchumu wo swi endlili ha Rona! Ee, nkulukumba. Va na miehleketo ya vona va ri voxé, hikuva endlwini leyí va kombisaka kona mintsumbu a vayí va ya ya wu pfuka. Timhaka ta masangu tiva xitoloveló eswikolweni nale tikerekeni, kutani vafundhisi va chava ku swi tshinya, i nchumu lowu wu kalaka.

¹⁶⁵ Ndzi twe muvuri wa rito siku rin’wana, a ku, “Loko va tava va nghenisile leswi swo tipenda-penda swa wasi eka

mahlo ya vona, na—na milomo yo tshwuka, va endla misava yo saseka ngopfu.” Muvuri wa rito wa Evhangeli, ephulphitini, a vula swo fana ni sweswo, u lava rendzo ro ya eXihambanweni. Sweswo hi swona hakunene, loko Bibebe yi swi sola!

¹⁶⁶ Kutani ntlawa wa Pentekostal wu byerile sesi loyi (a ta endzhawini, a ri karhi a rila) leswaku hikuva a ri na misisi leyi a yi phuxele endzhaku enhlokweni ya yena, a ri na misisi yo leha, a ku, “Thayere ra wena ra xiphere ri nga hava ri pyile.” A ku, “U fanele ku kerha misisi ya wena yi suka, hikuva Bibebe yi teri u na...eka Esaya, kuavanyisa ka vu5, a vari na matheyere ya rhandzavula kukotisa n’weti.” Sweswi, Bibebe yi nga swivula njhani leswaku “wansati u endla leswi swi nga tollovelekangiki,” a nga ringanelanga hi ku hanya na yona loko a nga kerha misisi ya yena, u kombisa leswaku a nga xiximi nhloko ya yena, kutani misisi yo leha....? U nga swi endlisa ku yini leswaku Bibebe yi vula swin’wana swo kotisa sweswo xana? Kunene, xana ku humeleta yini hi vavasati va hina va Mapentekostal? Mi vone ngopfu thelevhxini! Mi vone ngopfu swo tala swa misava, kutani ku hava swo ringanelwa swa Rito ra Xikwembu leswi swi mi tsakisaka. Sweswi, Bibebe yi vule sweswo. Sweswo hi leswi Bibebe yi nga swi vula. Sweswo a swi vuli hi mina, sweswi, yaleylo i Bibebe!

¹⁶⁷ Oho, timhaka ta masangu! Manana un’wana u teri eka mina ku ngari khale ngopfu, a ndzi ya emahlweni na vona hi ku ambala swona leswi swo koma, a ku, “Ndzi—ndzi ambala swileke.”

¹⁶⁸ Ndzi ku, “Sweswo swi nyanyile.” Wena...Bibebe yi vula tano. Xi ngaka xi nga ncinci.

¹⁶⁹ Mi ri, “Sweswo i swa Mabaptist.” Sweswo i swa Mapentekostal. Ndzi vulavula na *n’wina*. Sweswo hi swona. Walowo i ntiyiso.

¹⁷⁰ Kambe mhaka i yini? Xana mhaka i yini? Un’wana u tshike swogoga swi wa hi ndlela yin’wana. Munghana wa mina wa muchumayeri wa khale a toloverile ku vula leswaku:

Hi tshikile swogoga swi wa, hi tshikile
swogoga swi wa,
Hi xavelela vudyoho;
Hi tshikile swogoga swi wa, tinyimpfu ti
huma,
Kambe xana timbuti tinghene njhani?

¹⁷¹ Mhaka i yini? Loko mi tshika swogoga swi wa, swogoga swa Rito ra Xikwembu! Tsundzukani, a kuri nongonoko wa Xikwembu wo tiyisisa Kereke ya Xona hi Rito ra Xona, emasungulen.

¹⁷² Kutani loko Evha a tava a anakanyile kutani a ku, “Kunene, sweswi, a swi anakanyiwi, ndzi nga ha hanya kahle,” sweswo swi swi endlile.

¹⁷³ Kutani sweswo minkarhi hinkwayo swi swi endlile. Hi swona swi endleke leswaku a aleriwa kuva muchumayeri. Wa vona, ntsena swi tshikile swogoga swi wa. Sweswo hilaha (kereke) timintsu ta kona ta mabyanyi ti nga tlhotlhhorha, ePentekost, kutani kwalaho hi kona a timintswini ta mabyanyi. Ku hava Matsalwa ya swona. Wa vona? Sweswi, xana u endla yini kwalaho? U kuma ku tekelela ko fana ni loku i nga ku kuma endzhaku eEden. Xiyisisani, sweswi, kutani loko hi ta eRitweni, mi vulavula ha Rona...

¹⁷⁴ Ku hava munhu loyi a nga yimelaka Sweswo! Ndzi ntlhontlha un'wana na un'wana ku swi vula. Ku chumayela hi *Mbewu Ya Nyoka*, votala va pfurhetelekile ha swona. Ndzi kombele vavanuna van'wana leswaku a va ti va ndzi kongoma ha swona. A ndzi va kumi.

¹⁷⁵ A Chicago ku ngari khale ngopfu, mi na tona tithepi, a va ehleketa leswaku va ndzi phasile eka swin'wana. A vari na hinkwayo Greater Ministerial Association ya Chicago, Makwerhu mani...na Tommy Hicks na Makwerhu Carlson a vari kona kwalahaya. Kutani vusiku byi mbirhi ku nga se fika sweswo, Hosi yi ndzi pfuxile na vusiku, yi ku, "Famba u ya yima hi fastere lero." Ndzi yile, nakona a kuri na bubutsa. Xi ku, "Sweswi, va ku vekele xithhaka." Xi ku, "Eka ku fihlula loku, u nga chavi. Yana emahlweni, Ndzi tava na wena." Sweswi, leswi swi le Vitweni ra Hosi. Mi nga ha vavutisa mi kumisisa. Swi le ka tithepi, swi vuriwile swi ri ekusuhi: Xi ku, "Sweswi, u nga chavi ku famba, kambe famba u ya yima," xi ku, "Ndzi tava na wena."

¹⁷⁶ Kutani hi siku leri a ri landzela ndzi hlanganile na Makwerhu Carlson, murhangeri wa nhlengeletano kwalahaya, na Tommy Hicks. Kutani Xi ndzi byerile leswaku ndzi ta hlangana na vona nakona hi taya endzhawini leyi yi vuriwaka "Town and Country" ku ya fihlula kona. Ndzi tshamile kwalahaya hi ndlela yaleyo. Ndzi ku, "Makwerhu Hicks, u dokodela wa swa vukhongeri nakona hi ya hlangana na ntlawa lowukulu wa tiministara lahwani, nhlangano wa vona wa Chicago, hikokwalaho ka yini u nga fambi u ya ndzi vulavulela? Ndzi ku endlele swilo swo tala." A ndzo n'wi ringa.

A ku, "Oho, a ndzi nge swikoti ku swi endla sweswo, Makwerhu Branham."

¹⁷⁷ Ndzi ku; "Kunene, hikokwalaho ka yini u nga yi?" Ndzi ku, "Ndzi ta ku endlela hinkwaswo, hikokwalaho ka yini u ngayi u ya ndzi endlela xana?"

¹⁷⁸ U teri, "Oho, ndzi ngaka ndzi nga swikoti, Makwerhu Branham. Va ngaka va nga swi yimeli sweswo."

Makwerhu Carlson a ku, "Ee, va ngaka va nga swiyimeli."

¹⁷⁹ Ndzi ku, "Wa switiva leswaku hikokwalaho ka yini." Ndzi ku, "U nge ndzi ku byela swin'wana, swi hikokwalaho ka kuva wena, havumbirhi bya n'wina, ma swi tiva leswaku va ndzi

rhiyela xitlhaka xa swivutiso.” Kutani ndzi ku, “Mi na xona.” Sweswi, leswi swi le ka thepi. Loko mi yi lava thepi, hi ngava na yona. Nakona ma va tiva vanhu lava. Swingaleswi ndzi ku, “Vusiku bya tolweni, ndzi vonile xivono xa leswaku hi ta tshama lahawani mixo lowu nakona Tommy u ta swi tekela ehansi leswi.” Ndzi ku, “Sweswi languta, u na—u na kamara lero ra le hotela u nga ri hirha.”

“Ina.”

“Yi hakeriwile mali ya rhente.”

“Ina,” Makwerhu Carlson.

¹⁸⁰ “Kambe a wu ngeyi eku yi hlayiseni. Hi leswi HOSI YI SWI VULAKA!”

“Hikokwalaho ka yini?”

¹⁸¹ “U taya eka ndhawu yin’wana. Yaleylo i—yaleylo i kamara ya rihlaza; hina hi taya eka kamara ra buraweni. Ndzi tava ndzi ri ekhoneni; Dokodela Mead u ta tshama hi le tlheloo ra mina ra xinene; nakona mukhalabya yaloye wa muministara wa mukhaladi na nsati wa yena va ta tshamela hi hala ximatsini,” ntsena hi ndlela leyi swi nga tava xisweswo. Kutani ndzi ku, “U languta sweswi, ntsena u ta. U xi vonile Xikwembu xi hanyisa muvabyi, Xi languti enyimpini nkarhi wun’wana!” Ndzi ku, “Xi kahle, xi sasekile.” Ndzi ku, “Ntsena hlalela swivutiso u vona leswaku swi tikisiwa njhani.”

Kutani loko hi nghena kwalahaya hi mixo walowo . . .

¹⁸² Loko mi yi lava thepi . . . Jim, u na yona, a wu tanga na yona xana? Kona kwala, kona kwala, mi nga yi kuma thepi loko mi yi lava, ya le hlengetanwini.

¹⁸³ Ndzi ku, “Mi lwisana na mina ha yini? Xana ku humelela yini hi n’wina va nakulorhi?”

¹⁸⁴ Makwerhu Carlson a ku, “Kunene, Makwerhu Branham u ndzi byerile eka masiku mambirhi lawa ya nga hundza leswaku hi tava na . . .” Nakona a va kalanga va wu kuma muako, va wu herisile. A va nga ta va pfumelela leswaku va va na wona hikuva ntlawa wun’wana wa swa vunanga a va switivi leswaku va wu kumile nakona a va switivi leswaku a va wu dipoziterile, swingaleswi a va fanele va herisa ya ma Business Men. Kutani mi nga hava mi ri twile hungu ra swona, Makwerhu Williams lahawani, na kwalahawani, nakona. Kutani—kutani—kutani u teri, “Makwerhu Branham hakunene u ndzi byerile laha munhu un’wana na un’wana a nga tava a tshamile kona, kutani a ndzi byela hilaha swi nga ta humelela hakona.” A ku, “Nchumu wun’we,” a ku, “Ndzi . . . vunyingi bya hina swi nga endleka va nga yimi na yena Makwerhu Branham eka Hungu ra yena, kambe” a ku “hi

ta fanelia ku pfumela nchumu wun'we, a nga chavi ku Ri vula," swingaleswi—swingaleswi a ku, "a nga na vutoya ha Rona." A ku, "Sweswi, hi loyi u kona, Makwerhu Branham."

¹⁸⁵ Ndzi ku, "Sweswi, hi nga se sungula, ndzi lava munhu un'wana, eka swin'wana leswi ndzi nga swivula, leswaku a teka Bibele a ta a ta yima lahawani etlhelo ka mina." Kutani walowu a wu ri ntlawa wo miyela swinene lowu mi nga se tshamaka mi wu twa. Ndzi ku, "Kutani, loko mi nga swi seketeli, kutani sukani enhlaneni wa mina! Ina. Vamakwerhu, ndzi lahawani ku ta mi khoma xikatla, kambe hi fanele ku tlhelela eka timhaka ta Bibele."

¹⁸⁶ Ndzi ku, "Hikokwalaho ka yini mi nga—hikokwalaho ka yini mi nga va tshiki vavasati va vona xana? Oho, ina, u... vanhu lava va ku pfumelaka leswaku u—u muvoni wa Xikwembu."

Ndzi ku, "A ndzi kalanga ndzi swi vula sweswo."

¹⁸⁷ U teri, "Kambe vanhu va swi pfumela sweswo." A ku, "Hikokwalaho ka yini mi nga hikokwalaho ka yini mi nga vasusi vavasati va vona xana?" A ku, "Mi tshika ku va byela hi ndlela leyi va fanelaka ku ambarisa xiswona na ku kerha misisi ya vona ni leswi va faneleke ku swi tirhisa. Hikokwalaho ka yini mi nga va tshiki xana? Hikokwalaho ka yini mi nga va dyondzisi ku amukela tinyiko na—na swin'wana swa ku kwetsima ka Xikwembu xana?"

¹⁸⁸ Ndzi ku, "Swi nga endlekisa ku yini eka misava leswaku ndzi va dyondzisa 'algebra' loko va nga kalanga va dyondza hambi kuri ku dyondza ti ABC ta vona xana?" Hiswona sweswo. Mi fanele ku vuyela endzhaku eka masungulo yo sungula.

Xikwembu, vana na tintswalo eka hina. Ina, nkulukuma.

¹⁸⁹ Hi hina lava, nkarhi wa makumu! Rivoni ro tshwuka ehansi, ra hatima! Ku vuya ka Hosi kule xandleni. Ina, nkulukumba. Yingisan! Hungu ra nkarhi wa makumu ri fanele ku hlangana na swiyimo swa nkarhi wa makumu. Laha va humaka, Hungu ri fanele ku va vuyerisela endzhaku. Minkarhi hinkwayo, Hungu ra nkarhi wa makumu ri fanele ku hlangana na swiyimo swa nkarhi wa makumu. Ndlela hinkwayo ya le Matsalweni. Ri ta fanelia ku swi endla eka lowu nkarhi, ku vitana leswaku ku tlheleriwa eka Rito ra xiviri. Oho, mina! Tani hilaha varhumiwa lavan'wana va swi endleke esikwini, Hungu leri ri fanele ku endla swo fana. Hi tshembhisiwile sweswo! Xikwembu xi swi tshembhisile eka Rito ra Xona! Malakiya 4, yi teri swi ta humeleta, "Kutani ri ta vuyerisela Ripfumelo ra vana ri tlhelela eka vatatana." Yi swi tshembhisile, kutani hi hanya eka siku lero!

¹⁹⁰ Oho, swi tano minkarhi hinkwayo, nkarhi wun'wana na wun'wana, ntlawa wa varhangeri lava va endlaka vanhu leswaku va va lava va pfilunganyekeke. A swi le ka vanhu ngopfu; i varhangeri lava va pfilunganyaka vanhu. Sweswi a hi . . .

Mi ri, “Oho, Makwerhu Branham!”

¹⁹¹ Kunene, sweswi, yimani nyana sweswi, hi fanele ku swi endla swi va swa Xitsalwa. Loko ku ngari hi Matsalwa, kutani a swi kahle. Hi marito ya vona ya vutlhарhi, eka vurhangeri bya vona lebyi byi nгарiki na nhlohotelo, marito ya vutlhарhi bya misava, va... Hikokwalaho ka yini, kuna van'wana lava va nga tijiniyasi va nga swi vekaka kun'we sweswo, kambe miehleketa leswaku Sathana a hi jiniyasi eka swona, na yena? A nga tano yena, kunene, a tshunelela Yesu Kreste a tlhela a N'wi nyika na xivangelo, hambi kuri ku tshaha Matsalwa eka Yena? U swi endlile! I jiniyasi eka swona. Kambe Yesu a nga kalanga a phikizana na yena, U teri, “Ku tsariwile, nakambe! Suka eka Mina wena, Sathana.” Ina, vurhangeri lebyi nгарiki na nhlohotelo.

¹⁹² Langutani eka Korah, emasikwini lawa Xikwembu xi nga rhumela Muxe na hungu, kutani Korah na Dathan va ehlekete, ku ta eka Muxe, va ya ku, “Sweswi, yima nyana, u ti endla wo antswa u ri wexe! U ehleketa leswaku hi wena xiribiana xo antswa u ri wexe xa le bichini; sekwa leri ri nga exidan'winini xa mati yo thyaka, kova wena u ri wexe ntsena. Hi ta ku tivisa leswaku ku na vanhu van'wana lava va kwetsimaka, na vona!” Muxe a nga vulanga leswaku a va kwetsimi. Kambe a ri na xileriso, a fanele ku xi rhwala. Kutani va kondleterile ntlawu nakona a wu ta wu ta lwisana na Muxe.

¹⁹³ Kutani Xikwembu xi n'wi byerile leswaku, “Famba u ya yima enyangweni.” Vanhu lava a vari na xibye xo hisela magandzelo emavokweni ya vona, kutani ma swi tiva leswaku xibye xexo xi endlive yini. Xikwembu xi pfurile misava xi va mita. Nakona a va ri na ndzilo lowu a wu huma eka altari, eka yona. Na ndzilo eka xibye xo hisela magandzelo, tani hi mongo wa mhaka tani hilaha a swi ri xiswona, va hlulekile ku tiva hungu.

¹⁹⁴ Xikwembu xi teri, “Ndzi mi rhumela, Muxe, ehansi ku ta endla leswi. U va tisa lahawani.”

¹⁹⁵ Wa vona, va hlulekile kuri tiva. Muxe “a lulama a ku thwixi” na vona. Tani hilaha Eliya a ri xiswona, eka Xikolo xa Vaprofeta, “a lulama a ku thwixi,” a tshama na Rito.

¹⁹⁶ Sweswo hi swona swi endlaka leswaku n'wina vanhu va Mapentekostal, mi fanelaka ku ti ava eka va misava, mi lulama na Rito. Mi nga nyamalaleli eka nchumu lowu mi humaka eka wona, mi le ku papamalen! Mi nga tsemi ku vilela ka n'wina eXihambanweni. Khomelelani eka Rito ra Xikwembu, hikuva “Ehenhleni ka ribye leri Ndzi ta aka Kereke ya Mina,” tshamani na Rona.

¹⁹⁷ Sweswi, Dathan nakona a va ehleketa leswaku va...ku nga hava na vanhu van'wana. Wa vona, byebyo i vutlhарhi bya ximunhu byi ringetaka ku nghanisa mavonelo ya vona

eka makungu ya Xikwembu. Yalawa i ya kahle. Vutlharhi bya ximunhu byi ringeta ku nghanisa mavonele ya vona eRitweni ra Xikwembu. Swi ngaka swi nga tirhi! Swi ngaka swi nga tirhi. A swi kalanga swi tirha nakona swi ngaka swi nga tirhi.

¹⁹⁸ Langutani Yesu loko A yimile lahaya, a ku, “I mani eka n’wina a Ndzi solaka hi vudyoho xana? I mani eka n’wina a nga kombaka leswaku A ndzi kalanga ndzi endla kuya hilaha Matsalwa ya nga vula leswaku Ndzi ta endla hakona? Ndza tivula leswaku ndzi Mesiya. Kutani loko Ndzi nga tirhi mintirho ya Tatana wa Mina, swingaleswi mi nga, mi nga Ndzi pfumeli. Kambe loko Ndzi endla mintirho nakona mi nga Ndzi pfumeli, pfumelani yona mintirho leyi Ndzi yi endlaka, hikuva yi vula vumbhoni ha Mina.” Hakunene. Kutani a va nga swi pfumeli, va lavile tindlela leti ti nga ta vona.

¹⁹⁹ Swi nga ha endleka leswaku a va nga vuli swona leswi ni kuva va hoxisa. A va nga vuli swona... A ndzi pfumeli leswaku vanhu a va vula ku endla sweswo. Ndzi kuma vanhu va kahle eka tikereke leti letikulu ta xidinominexini. Ndzi kuma vanhu va kahle. Kambe swi tani hi qweta ri vuleke eka xiya na moyo, ku ta lahawani, “Nchumu lowu wu chavisaka, hilaha vafundhisi va nga yimaka ha kona ephulphitini, niku vona minkarhi leyi loko yi ta, ku ngari ku vilela hi ku hakasiwa hi leswi swi nga endliwangiki hi ku lulama, swa vudyoho bya misava!” Kutani hi loko qweta ra ha fanele hi ku yima ri swivula sweswo! “Ni hilaha lava va ngariki vafundhisi va nga tirhisaka mali ya vona eka muxaka hinkwawo wa mintanga ya swiharhi na tiphaka, na swin’wana, va nga seketeli nonganoko wa timixinari, leswaku misava yi teka Evhangeli.”

²⁰⁰ Loko timixinari leti ti nga na ndlala, leti ti pfumalaka tintanghu eminkondzweni ya tona... Haleluya. Ku hava dinominexini leyi yi nga ta vaseketela, hikokwalaho ka ku yimela ka vona Rito ra Xikwembu. Ku ri hava lexi xi va tiyisaka. U va kuma va ri na swin’wana leswi swi va tiyisaka kwalahaya, kutani xana va na yini? Xijumba lexikulu xa milawu ya kereke. Mixinari wa ntiyiso, wa xiviri, va endlaka na masingita, u fanele ku tshembhela eka wansati un’wana wo tihlantswela wacheni kuva hlayisela swipenani nyana. Xiyisisani, swi tano.

²⁰¹ Swi nga ha endleka a va nga vuli ku swi endla... Kunene, kambe mhaka i yini ha vona? I mabofu. Yesu u vule tano. Tsundzukani, tsundzukani, Yesu u vule sweswo swo fana. Kutani swi tikomba swi ri tano, namunthla... .

²⁰² Sweswi yingiselani, ndza tshembha a ndzi musoli. Loko u ri eku endleni ka Ntiyiso, mi nga—mi nga titwi i ngaku ndzi le ku soleni. Ntsena ndzi le ku ringetenka... Ndza—ndza rhandza... Kutani loko mi nga ri na rona... Ndzi—ndzi hisekela Kereke. Leswi, va nga hava va ri kereke

ya Assemby of God, kumbe yin'wana leyi yi nga vaka yona, kumbe—kumbe a—a ndzi switivi leswaku hi yihi. Yini... A swikali swi hambana eka mina. I church of God. Yaleylo hi yona, ndza pfumela, i church of God. Kunene, sweswi, hinkwerhu hi fanele kuva xisweswo, ku ngari dinominexini ya Church of God, kambe hi fanele kuva Vakreste embilwini. Kereke ya Xikwembu yi tshama endzeni ka makhumbhi, ku ngari vito, ni kuya emahlweni.

²⁰³ Sweswi, namunlha swi tele ngopfu eka leswi, kambe leswi swi hlayiwaka i vuxirho eka vanhu. Sweswi, langutani eka Baptist loko yi ri na mpfuxelelo. Oho, va vile na wun'wani. A vari na xilogene hi '44, "Van'wana vo engetela va miliyoni hi '44." Hungu ra Billy Graham ri ya emahlweni. Hikokwalaho ka yini, hakunene, ri endlile leswikulu. Mamethodist, Mabaptist, Presbyterian, a ri ri nchumu lowukulu, kambe hi na yini xana?

²⁰⁴ Yesu u teri eka Vafarisi, "N'wina va rhangeri va mabofu mi rhangelaka mabofu. Khompasi ya n'wina yi tikomba yi lava ku ncinka un'wana a nghena emikhuvensi, nakona i n'wana loyi a nga hakambirhi kutlula tihele tani hilaha a ri xiswona loko a tava a sungurile." Kutani sweswo hi leswi hi nga na swona namunlha.

²⁰⁵ Billy Graham, loko ndzi tava ndzi yile eka ku fihlula eLouisville, Kentucky, u yimile kwalahaya, tani hi loyi a nga tlangiki tani hilaha muevhengeli a nga hakona, a ku, "Ndza famba... Paul u teri... Hi lexi xikombiso." A ku, "Paul u yile etikweni a ya hundzula munhu n've, loko a tlhela a vuya endzhaku ka lembe a ri na makume nharhu kusuka eka yaloye un've." A ku, "Loko ndzi ya etikweni ndzi fika ndzi hundzula makume nharhu wa magidi wa lava va nga hundzuka, loko ndzi tlhela ndzi vuya elembeni a ndza ha kumi makume nharhu." A ku, "Mhaka i yini xana?" Kutani ndzi khensa manghenelo ya muevhengeli. U yimisile rintiho ra yena kwalahaya, kwalomu ka madzana ya nharhu ya vavanuna lava va nga tshama kwalahaya, a ku, "Hi n'wina ntlawa wa swichumayeri vo lolohwa." A ku, "Mi tshama a hofisini mi tlhandleka milenge ya n'wina edeskeni, mi vitana munhu hi foyini, mi n'wi kombela leswaku a ta kutani—kutani a ta joyina kereke ya n'wina. U fanele ku n'wi endzela hi wexe."

²⁰⁶ Ndzi tshamile kwalahaya, ndzi ehleketa, "(O Xikwembu!) Wa n'wi tiva, Muevhengeli Billy, u wanuna wa kahle. Mina ndzi—ndzi ndzo va munhu loyi a ngariki wa nchumu. Kambe ndzi pfumeleleni ndzi mi vutisa swin'wana." Ndzi navela leswaku ndzi nga hundzuluka ndzi vula leswi; kambe a ndzi—ndzi—ndzi n'wi amukela makwerhu, ehleketa i nandza wa Xikwembu. Kambe ntsena a ndzi tsakela ku vula leswi, "Swingaleswi, Billy, a ri muxaka wihi wa muchumayeri loyi Paul a fanele ku n'wi landzelerisa xana?" Ku humelele yini? Paul ntsena a ngo lo n'wi pfumelela kuva a yimisa voko ra

yena ku teka xiboho, u n'wi yise ka nkhuvulo wa Moya lowo Kwetsima, a nghenisa ndzilo eka moya wa yena, kutani a nga havi na kurhula.

²⁰⁷ Sweswo hi swona swi humelelaka namuntlha, i vuxirho. Ina. [Xivati lexi nga riki na nchumu eka thepi—Muhleri]... swirho, vuxirho lebyikulu, tiklasi letikulu ta xikolo xa Sonto, ku hakeriwa un'wana loyi a nga ncincaka vanhu a va ncincela eka mikhuva kutani va nghenisa un'wana loyi a humaka eka kereke yin'wana, ma n'wi vona loyi a nga tava na votala. Ma swi tiva, sweswo i Vufarisi! Kutani hi ti ba swifuva ngopfu ha sweswo, "Hi va bile eka Sonto lowu wu nga hundza." Loko u fike eka ndhawu leyi u endlaka kereke ya Xikwembu yi va mphikizano wa makondlo, kutani kuva ku ri nkarhi wo pfala minyangwa ku yiwa ekaya.

²⁰⁸ Kereke ya Xikwembu i atikili leyi yi hanyaka ya Xikwembu emisaveni, yi kombisaka Yesu Kreste. Ndza switiva leswaku A swi dumanga, mi ngaka mi nga swi langutele kuva tano. Hi langutele leswaku swi va kahle.

²⁰⁹ Mi ti bumabumela ngopfu hi swona...Kambe, ma swi tiva, leswaku huwa leyikulu a yi kalanga yi n'wi khumbha muprefeta Eliya. U twile ndzilo na musi lowu a wu famba hi kwala kusuhi, naku duma na rihat, na ngati na mafurha, na hinkwaswo, a swi kalanga swi n'wi karhata. Ma swi tiva, Amerika minkarhi hinkwayo yi langutele swin'wana leswikulu leswi swi nga na huwa endzeni ka swona. Kambe Xikwembu "i Xiritwana xa kahle" lexi xi nga koka rinoko ra muprefeta.

²¹⁰ Ma swi tiva, siku rin'wana movha yi yile ensin'wini, nakona a yi ri karhi yi tlulatlula loko yi famba, yi endla huwa yo tala loko yi huma ensin'wini. Kutani loko yi tlhela yi vuya, yi tlhele yi vuya hi kwalahaya a tibambareni kambe a yi kalanga yi va na huwa na swintsongo, a yi tele hi swilo swa kahle. Wa vona? Ina.

²¹¹ Kambe hi endla leswaku mimoya ya hina yi wisela a huweni. Hi swi endlela yini sweswo, hikokwalaho ka yini hi endla swilo swo kotisa sweswo? Oho, mina! Kutani hi damarheta ku vangama ka Hollywood eka yona, hi pfumelela vavasati ephulphitini, na swiambalo leswi va nga timanya ha swona ni kuva valanguteka va ri va vugangu, va ncina emoyeni. A ndzi tivi leswaku i moya wa njhani walowo!

²¹² A ni vuli leswaku ni fanele ni tikisa sweswi, ndzi—ndzi—ndzi...Ndza mi rhandza. Loko ni nga swiendli, Xikwembu xi ta ni avanyisa loko ndzi ngava na mavonele yan'wana yo tlula yalawa. Wa vona?

²¹³ Kambe ma swi kuma sweswo, wa vona. Sweswo hi leswi Mapentekostal ya papamalaka eka swona. "Hi na swotala swo tlula makwerhu wa xinuna a nga na swona ekhoneni." Oho! "Hi na swotala kutlula ma Assemblies, hikuva hi ma

Oneness, kumbe hi Matrinitarian, kutani hina hi va . . .” oho, *leswi, sweswo*, kumbe *swin'wana*, hinkwaswo—hinkwaswo swisana swo hambanana leswi va nga na swona, ma swi vona. Oho, makwerhu, sweswo a swi vuli *swona* eka Xikwembu. Xi tirhana na un'we-un'we. Hi swona.

²¹⁴ Xiyisisani, huwa leyikulu, kambe a swi kalanga swi koka rinoko ra muprofeta. Muprofeta a nga kalanga a va na mhaka na huwa leyikulu. Kambe loko a tava a twile Xiritwana xa kahle xexo, a switiva leswaku a kuri Rito, u tifunengetile xikandza xa yena a huma.

²¹⁵ Ma swi tiva, dyambu ri nga ha tshuneta mati yo tala hi timinetse ta khume ntlhanu, kuri hava huwa, kutlula hinkwaswo . . . Kutani hina hi endla huwa leyikulu leyi yi tshunetaka galuni ya mati kutlula dyambu leri ri endlaka miliyoni ya tibarele. Hi swona sweswo. Minkarhi hinkwayo hi langutele *swin'wana* leswi swi nga na vukulu naku taleriwa hi “hure,” na kuva swi taleriwile hi ku pfuma eka swona. Kutani loko swi ta ehansi eka mhaka ya ku teka Rito, kutani lahawani ku ta nchumu wun'wana. Wa vona? Wu ta, kutani va ku, “Kunene, ku katekile Xikwembu, ndza ku byela . . .”

²¹⁶ Ndzi hlanganile na wanuna un'wana lahawani ku ngari khale . . . A ndzi vuli leswi hi ku sandza, ndzi kombela ku khomeriwa loko hi leswaku swi nga hava hi maendlelo yo sandza. A ndzi ri eka nhlengeletano ya le tendeni, muminstara, muminstara wa Pentekostal u tisile nsati wa yena leswaku a ta chaya piyano. Kutani loko a tava a ndzi tivisile eka nsati wa yena, hi ku tshembheka, ndzi lavile ku titivala. Wansati hakunene a ri na misisi leyintsongo, leyi yi nga endliya tikhele, a tlhela a va na lamakulu, ma dyi suruvele, na switolani nyana eka milomo ya yena, kumbe *swin'wana* leswi swi nga vaka swona, min'wala yi pendiwile. A languteka tani hiloko a . . . A languteka a chavisa; lamakulu, ma dyin'wala yo leha, tani hi sweswo. Kutani a languteka a ri wa vugangu; a ambale swiambalo swo koma, leswintsongo, swintsanana, a nga swikoti hambi kuri ku swikota ku koka leswaku swi pfala matsolo ya yena loko a tshama ehansi. Kunene, ndzi yimile nyana kwalahaya, kutani ndzi ku, “Makwerhu, xana ndzi nga ku vavisa loko ndzi nga vula *swin'wana* xana?”

²¹⁷ A ku, “Hikokwalaho ka yini, swi ngaka swi ngavi tano.” Wanuna wa kahle, na yena a tikomba a ri wansati wa kahle.

Ndzi ku, “U vula leswaku nsati wa wena i mukwetsimi xana?”

A ku, “Ina.”

²¹⁸ Ndzi ku, “Ndzi rivaleli eka ku vula leswi, kambe u languteka a nga ri ‘yena’ eka mina.” Ndzi ku, wa tiva, “kumbe *swin'wana* swo kotisa sweswo.” Ndzi ku . . .

²¹⁹ A ku, “Xana u vula yini, Makwerhu Branham?” “Oho,” a ku, “u huma eka xikolo xa khale.”

²²⁰ Ndzi ku, “Ndzi wa xikolo xa Matsalwa. Hi swona sweswo, xikolo xa Matsalwa.” A ndzi pfumeli leswaku mukwetsimi u na maendlelo ya lawa, ntsena a ndzi nge swi endlili, loko Bibele yi swi sola. Wa vona?

²²¹ Hi swona, swi tikomba, nkarhi hinkwawo, hinkwaswo leswi hi swi twaka, “vana swiboho swa mune wa makume,” “swiboho swa mune wa makume,” “hi vile na swiboho swa madzana ya nharhu.” Kunene, sweswo i ku tivula swidyo. *Ku tivula* i “maribye.” Hi swona sweswo, hikuva Petro, ehenhleni ka ku tivula ka yena, u vitaniwile “ribye, tamba lerintsongo.” Petro, ku tivula ka yena. Sweswi, maribye ya kahle, kambe vukahle bya kona byi le kwihi kumbe hi wihi nkoka wa ribye eka ku aka loko kuri hava ribye ra ntiyiso ra muaki lahaya na xitirhisiwa xo kariha xa Rito ku ma tsema xi ma endla vana va Xikwembu xana? Wa vona? Byile kwihi vukahle byo tivula xana?

²²² Hi xona xivangelo xa kuva loko u tlhela u vuya u nga ha kumi makume nharhu ehenhleni ka makume nharhu wa magidi. U lo ti vumbuluzela maribye lawa ya humaka eritshurini, kutani u ma vumbuluzela lahaya, nakona a ma ringanelanga ku aka tempele hambi swi ri tano. Ya fanele ku tsemiwa, ya pimiwa hi Rito ra Xikwembu, ma vekiwa kwalahaya, ya hlanganisiwa kun’we, yi akiwa ehenhleni ka masungulo ya Dyondzo ya vaapostola, Yesu Kreste hi yena ribye ra Yinhla. Nakona U teri, “Loyi a pfumelaka eka Mina, mintirho leyi Ndzi yi endlaka u ta yi endla na yena.” Hi swona sweswo.

²²³ Xana hi ngava njhani Kereke loko ha ha nyenyana xana? U teri, “Leswi swi ta endla leswaku vanhu hinkwavo va swi tiva leswaku mi vadyondzisiwa va Mina, loko mi ri na rirhandzu eka un’wana.” Loko hi hundzulukela eka mikhuva hi fayeka, hikokwalaho ka ku hambana ka vudinominexini... A ndzi swi veki evanhwini, ndzi swi veka ehenhla ka dinominexini. Hi swona sweswo. Ku ngari evanhwini. Wa vona? Oho, swi bihe ngopfu, hambi swi ri tano ndzi...

²²⁴ Mi fanele kuva na xitirhi lexi xo kariha, xi nga Rito ra Xikwembu, ku va vumba leswaku va va Vana va Muako. Oho, mina! Xikhongelo xa mina i ku, “Xikwembu, hatlisa na Malakiya 4. Hi nyike Hungu eka masiku yo hetelela. Hi nyike un’wana, rhumela swin’wana leswi swi nga ta ponisa kereke leyi ya Pentekostal.”

²²⁵ Xana i muxaka wa njhani wa murhumiwa loyi Xikwembu xi nga ta hi rhumela yena eka masiku lawa yo hetelela xana? Ndzi ta mi byela leswi, buti wa mina, sesi, tani hi makwerhu wa n’wina nakulorhi loyi a nga nandza a languteleke nkarhi walowo na yena, u tava a ri murhumiwa wa muxaka wo fana ni lava va taka eka nkarhi wun’wana. Maendlelo man’we! U ta

tlherisela kereke yi tlhelela eRitweni. Xikwembu, hi pfumeleli hi vekela masungulo ya swona swi nga se fika lahaya. A nge se fika, hi pfumeleli hi vekela masungulo nakona kuva kuri maribye, lawa ya nga tsemiwa, ya va lawa ya tilulamiseleku ku yima hi katla hi katla na yena loko Xikwembu xi ta n'wi rhumela, hikuva Xi tshembhisile leswaku Xi ta swi endla.

²²⁶ Sweswi, ndza switiva, ndzi twa ku vuya kwaloko. Kutani, tsundzukani, hi nyiko nyana leyi ndzi nga ha kota ku hlahuva hi moya, wa vona. Sweswi, mi kwatela sweswo, loko ndzi ku Malakiya 4. Kambe mi nge ndzi mi byela swin'wana leswi mi nga swi vula, "Yesu u teri, 'Loko hi leswaku mi ta swi amukela, loyi hi yena Eliya loyi a ku vulavuriwa hi yena."

²²⁷ Kambe loko mi vona leswi A nga swivula eka—eka—eka Mukwetsimi Matewu, eka kuavanyisa ka vu11 na vhesse ya vu6, "Loko mi nga swi amukela, loyi hi yena loyi a ku vulavuriwa hi yena, a ku, 'Ndzi rhumela murhumowiwa wa Mina emahlweni ka Mina.'" Yaley a yi ri Malakiya 3, ku ngari Malakiya 4.

²²⁸ Hikuva, eka Malakiya 4, U teri, "Siku leri ri nga se fika, misava yi ta ntshwa nakona vanhu va ta famba ehenhla ka yona; yi ta fufunha tani hi xigodo." Hi swona sweswo. A vulavula hi murhumowiwa loyi a nga tava kona emahlweni ka Yena, laha a kuri Elixa. Loyer...

²²⁹ A ndzi pfumeli eka maendlelo hinkwawo lawa ya famba-fambaka lahawani namuntlha ya baji ra Eliya na maendlelo hinkwawo ya lawa. Ndzi... Huwa ya vona hinkwawo yi ta fanela ku ta, hakenene, ku ta khunguvanyisa nchumu wa ntiyiso loko wu fika. Kambe, mi nge ndzi mi byela, ku ta pfuka murhumowiwa emakun'wini ya nguva leyi ya Pentekostal yi ta songa-songa nchumu. U tava a ri munhu. Ku ngari ntlawa, ku ngari dinominexini; kambe munhu. Swi tano minkarhi hinkwayo, nakona Xikwembu xi ngaka xi nga ncinci nonganoko wa Xona, hi Xona Xikwembu lexi nga riki na Makumu.

²³⁰ Tsundzukani, loko murhumowiwa yaloye (Yohana) a ri murhumowiwa wa Malakiya 4, swivula leswaku Matsalwa ma feyirile, hikuva Ya teri Ya tava tano... "Misava yi ta fufunha tani hi xigodo, kutani lavo lulama va ta kandziyela nkuma wa lavo biha." Swingaleswi Yi hlayersi, kutani mi vona loko swi ngari swona. Wa vona? Kambe Yesu a nga kalanga a swi vula sweswo, A kongomisa eka Malakiya 3, "Ndzi ta rhumela murhumowiwa wa Mina emahlweni ka Mina, ku ta Ndzi lulamisela ndlela." Sweswo hi swona hakunene.

²³¹ Sweswi, kambe tsundzukani, loyi un'wana a fanele ku vuyerisela ripfumelo ra vana ri tlhelela eka vatatana, ku vuyerisela ripfumelo ra vana ri vuyela eka Ripfumelo ra vatatana, eka Bibele yo sungula.

²³² Sweswo hi swona leswi Muxa a nga swi endla. Sweswo hi swona leswi Yesu a nga swi endla. Sweswo hi swona leswi

swi nga endla hi murhumiwa un'wana na un'wana ehansi eBibeleni, emakun'wini ya ku hela ka minkarhi yaleyo, a va tlherisela hungu ematshan'wini ya rona. Vanhu, eka minhlangano na swin'wana, a va kumeka va taleriwe nyana hi ripfalo na swin'wana, hi masiku ya vona.

²³³ Va endle swo fana na namuntlha! Swingaleswi hi languterile murhumiwa. (Xikwembu, n'wi rhumeli!) Mi ehleketa leswaku hi ta n'wi amukela xana? Ee, nkulukumba! U tava a ri “lowo vabya nikuva a ri bayizani,” hi swona hakunene, kambe Xikwembu xi ta n'wi khorwisa. Mupfumeri wa xiviri, vona lava va nga hlawuleriwela eVuton'wini lebyi nga Heriki, Yesu u teri, “Hinkwaswo leswi Tatana a nga ndzi nyika swona swi tata eka Mina, nakona kuhava munhu loyi a nga taka eka mina handle kaloko Tatana wa Mina a n'wi tshuneta. Ni hinkwaswo leswi Tatana a nga na swona” (nkarhi lowu nga hundza) “a nga Ndzi nyika swona, swi tata.” Hi swona sweswo, a va ri...

²³⁴ A ndzi pfumeli eka ku dyondzisa loku ka Baptist ka ku—ku hlayiseka loku ku nga Heriki. Ndzi swi pfumela hi ndlela yin'wana, kambe ndzi pfumela leswaku u hlayisekile ntsena loko u ri eKerekeni. Kambe loko mi huma eka...mi huma endzeni ka Ngati ya Yesu Kreste, a wu hlayisekanga. Ndzi hlayisekile eka mpfula ntsena loko ndza ha ri kwalahaya.

²³⁵ Kutani loko mi khuvuleriwile eka Moya lowo Kwetsima mi tlhela *mi ku* mi na Moya lowo Kwetsima, kutani mi tsan'wa Rito ra Xikwembu? *Mi ku* ma pfumela nakona mi amukele Moya lowo Kwetsima, nakona mi ri karhi mi alana na Rito lero leswaku ri ntiyiso? Kutani xana walowo wu ngava Moya lowo Kwetsima ka njhani loko A ha ri Un'wana loyi a nga tsala Bibebe xana? Moya lowo Kwetsima wu ala Rito Leri ri nga ra Yena, mi ku, “Ndza—ndza hoxisa, n'wina a mi hoxisi”? Ee, sweswo a hi swa Xikwembu. Ee, nkulukumba.

²³⁶ Ntlharhi ra vukarhi! (Hosi, hi rhumele Hungu ra kahle.) Sweswo hi leswi hi nga swi langutela. Kutani, hakunene, loko a ta a ta lulamisa maribye lawa niku ma tsema leswaku ma kota ku aka, xana ku ta humelela yini? Votala va vona va ngaka va nga swi yimeli ku kamberiwa hi Rito. Va rhandza nhlangano wa vona ku antswa ku tlula ku rhandza Rito ra Xikwembu, hambi leswi Rito lero ri nga tiyisisiwa hi wanuna yaloye. Leswaku u tava muprefeta loyi a nga ta ta hi Vito ra Hosi, nakona hi un'wana loyi a nga ta ta ehenhleni ka misava. Ndza swi pfumela.

Oh, un'wana na un'wana u ri, “Wu tava wu ri ntlawa wa vanhu.”

²³⁷ Ndzi lava un'wana a ndzi komba eka Bibebe laha ku nga na ntlawa wa vanhu; Xikwembu xi nga tshova Rito Leri ri nga ra Xona, Xi ngaka xi nga swi endli sweswo. Ee, nkulukumba.

Xi swi tshembhisile leswi. Kutava ku ri wanuna un'we. Kutani kutava na lava van'wana va ri na yena, hakunene, magidi, Kereke hinkwayo yi pfumela leswaku yi tava na yena, hinkwako.

²³⁸ Tani hilaha a swi ri hakona eminkarhini ya Nowa, a ku ngari na votala lava a va ponisiwile, hikuva Yesu u teri, "Tani hilaha a swi ri emasikwini ya Nowa." Ma swi tiva sweswo xana? "Tani hilaha a swi ri hakona emasikwini ya Lot," (ma hlayeleni) "swi tava tano."

²³⁹ "Matilo na misava swi ta hundza, kambe Rito ra Mina ri ngaka ri nga hundzi." Ma swi vona leswi ndzi swi vulaka? Oho, makwerhu, swa antswa hi teka masungulo, swi nga hava swi hlwerile tani hilaha hi ehleketa ha kona. Hi nga ha pfuka siku rin'wana hi kuma hi ri karhi hi lahlekela hi swin'wana. Mi ti vonela! Langutani, mi khongela, mi lavisisa, mi lava, mi nga Ri pfumeleli ri mi hundza. Nakona, tsundzukani, loko Rito ra Xikwembu ri chumayeriwile, Xikwembu xa boheka eka Rito lero nakona xi ta Ri tiyisisa.

²⁴⁰ Tivani leswi A nga swi vula lahaya, ku humelele yini hi masiku ya Lot? U teri, "Tani hilaha a swi ri hakona emasikwini ya Lot." Xana ku humelele yini kwalahaya ku nga se va ni ku wa ka ndzilo? Xana ku nga humeleta yini nakambe loko ndzilo wu nga si wa, i hungu ra njhani leri Kereke yi nga ta ri kuma xana? Ku ngari Sodoma sweswi, Kereke leyi yi hlawuriweke. Ntsena va hlayiseni va ri vanharhu: kuna Masodoma; nakona a kuri na Lot na ntlawa wa yena, xivumbeko xa kereke; a kuri na Abraham, wa Muhlawuriwa. Hi vunharhu bya vona a va ri na hungu ra vona, ina, hi va rhumiwa vo hambanana. Langutani leswaku i ra muxaka wihi leri ri nga ya eka Kereke leyi nga hlawuriwa, leswi A nga swi endla eka Abraham. Yesu u teri, "Swi tava tano eku vuyeni ka N'wana wa munhu." Sweswi, hi ngaka hi nga swi ali sweswo, sweswo hi swona leswi Yesu a nga swi vula. Swingaleswi, hakunene swi tava hi ndlela yaleyo.

²⁴¹ Sweswi, votala...loko Yesu a ta nakona a tisa xikombelo a ku, "Lavisisani Matsalwa, lawa eka wona mi ehleketa leswaku mi na Vutomi lebyi nga Heriki, kutani hi wona lawa ya vulaka vumbhoni ha Mina," xana va nga swi yimela ku kamberiwa xana? Ee. Kutani un'wana na un'wana wa switiva, hinkwako ku tivula swidyoho ka maribye lawa ya nga swi yimeriki ku kamberiwa hi Rito ya cukumetiwile enhulwini. Ya pandzekile, mati ya ri fayile, ri ngaka ri nga yimeri ku kamberiwa. Oho, vanhu, kutani ma rhumeriwela enhulwini ya swikirepe! Xikwembu minkarhi hinkwayo xi hlayela vumunhu ematsan'wini ya ti nambara.

²⁴² Ndza pfala. Ndzi khomeleni kuva ndzi mi khomeletile nkarhi lowu hinkwawo, a ndzi nga swi kunguhatanga ku swi endla leswi. Mi nge ntsena xi—xi xinkadyana, swimbirhi,

ndzi vula marito lawa yo hetelela, ntsena ndzi ta tshika hi minete. Ndzi tshembha leswaku ndzi—ndzi—ndzi vule swin'wana leswi swi nga ta mi pfuna, wa vona, ku mi endla leswaku mi hlaya. Wa vona?

²⁴³ Xikwembu minkarhi hinkwayo xi hlayela vumunhu, ku ngari swirho. Kutani namuntlha ha swi ncincanisa. Hi hlaya swirho, lava va nga na maambalelo ya kahle, lava va hakelaka kahle, ematshan'wini ya vumunhu. Ahaa.

²⁴⁴ Eliezar u swi julukerile, ku fikela laha a kumaka vumunhu. Hi swona sweswo. Xana a nga kuma mani? Nakona a tshembhele eka Xikwembu. Vumunhu bya yini? Vumunhu bya Isaka, mutekiwa, laha Kereke yi fananisaka swona. Ma swi tiva sweswo. Yaley a yi ri mbewu ya ntumbuluko ya Abraham; ley i Mbewu ya vuhos i Abraham. Kunene, loko Eliezar, murhumiwa loko a hlota mutekiwa nakona a ringeta ku kuma vumunhu, loko munhu yaloye a ta, murhumiwa wa siku ro hetelela, a ringetaka ku kumela Kreste Mutekiwa, a ngaka a nga langutisi vuxirho bya xidinominexini. U ta languta vumunhu bya loyi a swi tsakelaka.

²⁴⁵ Langutani! Vumunhu bya kahle ku sungula, kutani a kumeka a ti lulamiserile ku hlangana na Isaka. Endzhaku kaloko a kume vumunhu, kutani a kumeka a yima nkarhi wo leha ku yingisela hungu ra Isaka.

²⁴⁶ Yaloye hi yena murhumiwa wa le masikwini ya makumu, Rivoni ra na madyambu, i kuva xo sungula ri kuma Kereke (hikwihi laha va nga ta pfumela Hungu xana?), yi hloteni. Xana mi nga swi hlaya leswi ndzi vulavulaka hi swona? Hlotani laha Kereke yaley yi nga kona ley i yi nga ta mi pfumelela hambi kuri ku mi pfumelela ku nghena, ley i yi nga tako yi nga mi pfaleli nyangwa emahlweni ka n'wina. Kutani loko u swi endla lahaya, swivula leswaku i kume vumunhu. Loko a nga tiyisela ku yima nkarhi wo leha ku va a n'wi byela hilaha Mutekiwa yaloye a fanelaka ku ambarisa xiswona! U fanele ku ambala. A yima a nga ninginiki! Loko ntsena a nga kuma . . .

²⁴⁷ Langutani Rebekah lontsongo a yingiselaka rito rin'wana na rin'wana, mbilu nyana ya yena a yi ri eku beni. U . . . A—a ri eku byeleni wansati. Sweswi, swi ku julukise ngopfu, "Xana ndzi nga ya kwih?" ku fikela laha ndzi kumaka vumunhu. Kutani loko ndzi tava ndzi kumile vumunhu, kutani n'wi endli a yima nkarhi wo leha ku endlela leswaku a tilulamisela ku ya hlangana na yena. Oho, mina, i nchumu lowu wu baka njhani! (Loko a hi ri na nkarhinya eka wachi ya leyo.) Ku n'wi lulamisela; a yima a nga ninginiki a yingisela hungu ra yena. Eliezar a nga tivulavuleli yena n'winyi, kambe a vulavulela un'wana loyi a nga n'wi rhuma. Nakona a ri na nyiko yo khorwisa leswaku u rhume hi yena. Amen! U lavile ku n'wi ambexa hi swilo leswi. Ma swi tiva hilaha a n'wi lulamiseke hakona.

²⁴⁸ Loko ndzi nga n'wi kuma a hlamba xikandza xa yena! Wa vona? Ma swi tiva, ntseña ndzi—ndzi titwa ndzi kamberiwile eka sweswo, swingaleswi swa antswa ndzi miyela. Hi ndlela yin'wana, ndzi vule swo enetiseka, ma swi tiva leswi ndzi vulavulaka hi swona. Sweswi, yingiselani, ntseña yimisani xisweswo.

²⁴⁹ Xiyisisani, murhumiwa wa nkarhi wa makumu, ntirho wa yena i ku lulamisela vakwetsimi, Mutekiwa a va loyi a lulameke eka Muteki. Rero ri tava Hungu ra yena. Sweswi mi lava ku dyondza hi ti ABC leswaku mi nga ha dyondza 'algebra' endzhaku? Loko swilemo leswin'wana leswi swi nga endzhaku swi pfuriwa ntseña swi ta paluxiwela vona. Hi swona sweswo. Dyondzani ti ABC kusungula. Xana ABC i yini? "Always Believe Christ," [“Hi leswaku pfumela eka Kreste nkarhi hinkwawo”—Muhundzuluxi.] (ku ngari mikhuva ya n'wina), Kreste. Wa vona? pfumelani leswi A swi vulaka, ku ngari leswi swi vulaka hi un'wana.

²⁵⁰ Loko swi hambana, loko munhu a nga mi byela leswaku "Swi lulamile kuva mi kerha misisi ya n'wina, vavasati," mi swi tiva leswaku wa hemba. Bibebe yi vula leswaku swi hoxekile. Loko a ngaku "U nga hava mudiyakoni u ri na mune kumbe ntlanu wa vavasati," wa hemba. Sweswo swi hambana na Rito. Wa vona? Hinkwaswo swilo leswi hi nga vulavula hi swona, swi yiseni eRitweni kutani mi vona loko Rito ri ri ntviso.

²⁵¹ Vuyisela kereke eRitweni. Sweswi, xana murhumiwa loyi wa Malakiya 4 u ta a ta endla yini? Ku tlherisela Ripfumelo ro sungula, Ripfumelo ro pfuxa vafi. Leswaku, va vonile Yesu endzhaku kaloko A tava a pfukile ekufeni, va N'wi vona a tirha exikarhi ka vona.

²⁵² A vari vavanuna va marito lamantshwa. Va yile emahlweni va ya chumayela Rito. Oho, a va chumayela va lehis, Paul u chumayerile vusiku hinkwabyo nkarhi wun'wana. Wa vona? Wanuna a wa emuakwini, a ti dlaya. U tlhandlekile mavoko eka mirhi wa yena, a wu vuyerisela evuton'wini nakambe, wa vona. Wa vona? Wa vona, a ya emahlweni niku chumayela.

²⁵³ Sweswi, xiyisisani leswaku a va ri vanhu lava a va hambanile kutlula lava va nga na ti Ph., L.L., Q.U.S.T., kumbe leswi mi nga swi vitanisaka xiswona, swi tano na namuntlha. Yini? Swihambanyisa murhumiwa na... Hungu, kumbexani, hi murhumiwa, swi ta hambanyisa vapfumeri eka lava va nga pfumeriki. Van'wana va vona va ta fola eka Rona, van'wana a va nge swikoti. Van'wana va Lutheran... Van'wana va Khatholiki va ta fola eka Luther, van'wana a va nge swi endli. Van'wana va Malutere va ta fola na Mamethodist, van'wana va ngaka va nga swi endli. Van'wana va fola na Pentekost, kutani van'wana va nge swi endli. Van'wana va ta fola na Rivoni ra na madyambu, van'wana va ngaka va nga swi endli.

²⁵⁴ Xana mi ta swi tiva njhani leswaku hi rona Rivoni ra na madyambu kumbe a hi rona? Ri kambisiseni hi Rito (ku ngari ntsena Rito *rin'we*, Rito *hinkwaro* mi ri veka kun'we), mi vona loko kuri swona kumbe ku ngari swona. Oho, xana ri na yini? Kutani loko hungu leri ri hlayisa ku vonakarisiwa ka Xikwembu ri endla leswi Xi nga swi vula leswaku Xi ta swi endla, nakona swi xaxamela na Rito, kutani Rito ri vonakarisiwa kukotisa minkarhi leyin'wana na vuprofeta byin'wana byi swi endleke.

²⁵⁵ Xiyisisani loko Hungu...loko...Xiyisisani loko Hungu ri ariwa hi vanhu, nakona murhumiya swi tikomba a hluriwile, a ngaka a nga kumi nyangwa wun'wana, a ngaka a nga yi kumi ndhawu.

²⁵⁶ Tani hilaha Hosi ya hina a yi ri xiswona. Tsundzukani, loko Yi ri tano...Oho, loko Yi hanyisa vavayi, muprofeta lontsongo, "Oho, mina! Hi Yena Nakulorhi wa kahle!" "Yhaa, Rabi, ku njhani?" Kambe siku rin'wana U sungurile ku tshama ehansi a sungula kuva byela Ntiyiso. A rhandziwa hi kereke, hi vanhu. Magidi ya N'wi landzela. A ri na va vuli va rito va makume nkombo lava a va N'wi rhandzerile, handle ka lava va khume mbirhi. Kambe siku rin'wana endzhaku kaloko A tava a hundzule xinkwa eka...kumbe ku hundzula...a andzisa malofo, ku khorwisa leswaku hi Yena Xikwembu, hikuva i Xikwembu ntsena lexi xi nisaka xinkwa lexi xi humaka eMatilweni. Ina. Wa vom? U andzisile xinkwa. Kutani xikan'we-kan'we endzhaku ka sweswo...U fambile ehenhla ka mati, a endla masingita, niku endla swilo leswi A nga swi endla, ku khorwisa leswaku a ri Xona.

²⁵⁷ Kutani, loko A tava a swi endlile, U tshamile ehansi a sungula ku byela vanhu hakunene. Vanhu va jikile va famba. Kutani lava va makume nkombo va ku, "Ah! I mani loyi a nga swi yingisaka Leswi? Sweswo swa tika ku swi vula. U handzula leswi hi ehleketa ka leswaku hakunene hi swin'wana. Sweswi, xana u mani Wena u nga ta hi byela swilo leswi?" Kutani va sukile va famba.

²⁵⁸ Hiloko Yesu a hundzukela eka xintlawani xa Yena, tani hi le masikwini ya Nowa, ku kotisa emasikwini ya Sodoma, a ku, "Xana mi lava ku famba, na n'wina?"

²⁵⁹ Kutani Petro a vula marito lawa ya kahle a ku, "Hosi, xana hi taya kwihi?" (Xikwembu, a xi hi pfuni.)

²⁶⁰ Xiyisisani loko Hungu ri aleriwa kutani murhumiya swi tikomba a hluriwile, kwalaho hiloko Xikwembu xi nghena eka xivono, Hungu ra yena ri herile.

²⁶¹ Nowa, (ha pfala sweswi), Nowa u chumayerile enyangweni wa ngalava ya yena ku ringana malembe ya dzana na makume mbirhi, ku kondza, laha ekuheteleleni va nga n'wi hleka va n'wi sapatela, Nowa u nghenile endzeni ka ngalava a ri karhi

a ehleketa leswaku...swi tava ntsena swi ri kahle. Xikwembu xi pfarile rivanti. Kutani vanhu va yima-yima kwalahaya va lava ku vona leswaku ku ta humelela yini. Nkombo wa masiku a tshamile kwalahaya a ri karhi a juluka, kutani hi siku ra vunkombo mpfula yi fika. Ahaa.

²⁶² Muxe, xana a ri eka yini? Ntila wa luwa wa nfanelo, a rhangela vanhu. Lwandle ro Tshwuka ri n'wi pfalela ndlela. A ri emakun'wini ya patu ra yena. Hilaha Xikwembu xi nga ta na moya wa le Vuxeni wu fika wu ava lwandle, emakun'wini ya patu.

²⁶³ A kuri Daniel, a yimeke eka hungu ra yena, "Ndzi ngaka ndzi nga ti nyamisi hi swa hosi ya misava." A yima na ntiyiso eka Xikwembu, a ri emakun'wini ya patu, a swi tikomba tani hiloko ku fike nkarihi wa yena wa makumu, va n'wi hoxile ekheleni ra tinghala. Xikwembu xi nghena eka xivono.

²⁶⁴ Kutani mixo wun'wana, ehansi eBabilona...Amen! Ndzi nga languta eTilweni, ndzi nga ha kota ku vona xi-xi Xiluvelo, Tintsumi ti rhendzerile. Ti languta ehansi lahawani eBabilona, ndzi nga ha vona khe-khe khele leri ri pfurhaka. Ndzi nga ha vona vana va nharhu va yimeke kwalahaya, va ku, "Xikwembu xa hina xa swikota ku hi kutsula." Wa vona? "Kambe a hi khinsameli xifaniso xa wena, hikuva swi hambana na Rito." Wa vona? "Hi yimile lahawani."

²⁶⁵ "Hi swona," ku vula hosi, "gonya eswitepisini, u ya eku hisiweni." Munhu lonkulu wa mungu, emakun'wini ya ntlharhi leri, hi lava va taka hi switepisi, xitepe hi xitepe, ku hisa na ku hisa.

²⁶⁶ Ndzi nga ha vona Ntsumi yi yimile etlhelo ra Xiluvelo, yin'we, yi khomile ntlharhi yi ri humesa, yi ku, "Tatana, languta ehansi lahaya, ku humelela yini! U nge ndzi rhelela ehansi, ndzi Gabriel, ndzi ta ncincia xivono."

²⁶⁷ "Tlherisela tlharhi ra wena enkotlweteni, Gabriel. Ndzi swi hlalerile."

²⁶⁸ Lahawani ku ta un'wana, a ku, "Tatana, hi mina Wormwood, ndzi mu hlaseli hi mati. Hi nkarihi wa ndhambhi, vanhu va dyohile va tlhela va va na matikhomele yo ka ya ngari kahle eka vanhu va Wena, kutani ndzi—ndzi ncincile misava hinkwayo yi va eka xirhendzevutani xa mati. Ndzi ta hlantswa Babilona yi suka eka mepe mixo lowu. U nge ndzi famba."

²⁶⁹ "Ndza switiva leswaku u ta swi endla, Wormwood, u Ntsumi yo tshembheka. Wa vona? Kambe, A ndzi nge ku tshiki u famba, lowu i ntirho wa Mina. Ndza famba. Mina hi ndzexe."

"Lahawani, u va vonile xana?"

²⁷⁰ "Ndzi va hlalerile vusiku hinkwabyo. Ndzi yi twile nhlengeletano ya vona ya xikhongelo. Ndzi swi vonile loko va yimela Rito ra Mina. Ndzi tava kwalahaya hi nkarihi." Oho, mina!

Ndzi nga ha Xi vona loko xi yima na nguvu ya Xona ya vuhosi yi wela eka Xona, tani hi sweswo, xi ku, "Tana lahawani, moya wa le Vuxeni, N'walungu, Dzonga, Vupela-dyambu. Nghenani eka nhloko yaleyo ya ndlati leyi yi nga lahaya, Ndzi ta ku khandziya tani hi golonyi mixo lowu. Ndzi ya ehansi eBabilona, Ndzi ta ncinka xivono." Oho, makwerhu, a Xi ri kwalahaya hi nkarhi!

²⁷¹ Tinhlo ra Xona rile ka phaseji ya tilo nakona ndza swi tiva leswaku U ndzi langutile. Wa ha langutile madyambu lawa, u ndzi langutile, U mi langutisile. U ta languta hambi ha yima kumbe a hi yimi, i swiboho swihi leswi hi nga swi tekaka, hambi hi nga yima na ntiyiso eka Rito kumbe hi fambela ekule na Rona. Nkarhi wu fambile kutlula hilaha miehleketa ha kona.

²⁷² Yakobo, endleleni ya yena yo ya ekaya, u ve na nhlohloteloo wo tlhelela ekaya, makwerhu wa yena u n'wi hlanganisile. Oho, kambe vusiku byin'wana u vumbuluzanile na Xikwembu. A chava ku hlangana na makwerhu wa yena, kambe hi mixo lowu wu landzelaka a nga ha chavi, hosana yo khwita. "A ndzi n'wi lavi Esau kumbe vuthu ra yena, na un'we wa vona," Xikwembu xi nghena eka xivono. Wa vona, Xi swi endla hi ndlela leyi yi nga twisisekiki.

²⁷³ Yesu, a ariwa, endzhaku kaloko a vile N'wana wa Xikwembu loyi a tiyisisiweke, a ku, "Loko Ndzi nga yi tirhi mintirho ya Tatana wa Mina, mi nga Ndzi pfumeli." A ri ku Vonakala ka siku (Wa hari ku Vonakala!), a nghena eka xivono. Kutani vanhu, ntsena loko A ha...xinkwa na tinhlampfi na malofo, va N'wi landzelerile. Kambe loko A sungula kuva byela Ntiyiso wa Rito, sweswo swi va avile, a va ri na mindzhavuko ya vona leyi a va khomelele eka yona. A swi hambana, hambi swi ri tano ma swi tiva leswaku A fambelana na Matsalwa hakunene. Kambe mahlo ya bofu ya misava a ya nga swikoti ku Ri vona; hambi kuri ku swi endla sweswi, hambi eka nguva yin'wana na yin'wana, ndzi vula, hinkwato ka tonu. Ku humelele yini xana? A swi languteka tani hiloko A hluriwile.

²⁷⁴ Mi xiysisa, kusuka eka nkarhi wa lowo, xidumo xa Yena xi N'wi sukerile. Rini? Loko A sungula ku va byela Rito. Loko A famba a ya—ya va na tinhlengeletano to hanyisa vavabyi na mapfhumpha, un'wana na un'wana a N'wi lava, "O Rabi, tana haleno!" nakona, "Rabi, tana haleno!" Kambe loko Dyondzo ya Yena yi tava yi sungurile; "Oho, Madyondziselo ya Wena ma kanganyisa vanhu va hina." Oho, khombo ra mina! "Oho, a ndza ha Ku lavi ekerekene ya mina nakambe, Rabi, hikuva, hikokwalaho ka yini, U hlanganisa vanhu va hina tinhloko, Madyondziselo ya Wena ya hambana na leswi hi swi pfumelaka." A ri kalanga ri ncinka. Wa vona? A ri ncincanga. Ina. "A hi nge swikoti kuva na Wena, Rabi!" Hambi leswi A ri loyi a nga tiyisisiwa hi vumbhoni, a khorwisiwa hi Matsalwa leswaku hi Yena Mani, hambi swi ri tano a va nga Ri pfumeli.

²⁷⁵ Ekuheteleleni U yile emahlweni ku fikela xinkadyana xo hetelela, loko Sathana a ehleketa leswaku “U N’wi kumile,” u N’wi vambile exihambanweni. Ehansi, ehansi, ehansi, ehansi, ku fikela ekuheteleleni va ehleketa leswaku va N’wi kumile, va N’wi hoxa esirheni. Kambe kwalaho hilaha Xikwembu a xi nghena eka xivono. A sirheni U vuye a pfuka! Hikokwalaho ka yini?

²⁷⁶ Swo fana, Paul, u teri, “Hinkwavo . . . Demas u ndzi tshikile. Vavanuna hinkwavo va ndzi tshikile hikwalaho ka Rito.” A ndzi pfumeli leswaku Demas u ye a ti thavheneni na swin’wana. Kambe Demas u lavile ku famba, Demas a ri wanuna wa xifumu. Nakona u lavile ku famba na ntlawa wo duma, kutani swingaleswi u sukile kwallahaya loko lavan’wana hinkwavo va tava va swi endlile. Kutani Paul a ku, “Vavanuna hinkwavo va ndzi tshikile.” Hikokwalaho ka yini? Ministri wa yena, a fika eka nhloko ya ribye wa yona, a ta ehansi emakumu.

²⁷⁷ Ku tsakela ka yena a kuri ka ku xanisa hikuva a dlayile Stefano, u mbhoniyerile rifu ra yena niku ri tiyisisa. U lavile ku fa. Loko . . . Agabus, muprofeta loyi a tiveka, a yimile ekusuhi na yena a n’wi byela leswaku a ngayi eYerusalem, a ku, “A ndzi tivi nchumu hi ku famba. Kambe a ndzi tsakeli ku famba, ku ya etinketanini naku bohiwa, eYerusalem, kambe ndzi ti lulamiserile ku ya ndzi ya fa ndzi fela Hosi Yesu.” Xana a kuri yini? A lemela ministri wa yena.

²⁷⁸ O Kereke ya Xikwembu lexi xi hanyaka, hi nga ha vulavula vusiku hinkwabyo. Hilaha hi yaka eku lemeleni ka Hungu leri? Xana hi ta swi endlisa ku yini? Xikwembu, hi pfuni ku teka Rito leri, hi yima hi vutlharhi. Mi nge ndzi fela eRitweni; ndzi hanya hi Rito, ndzi fela eRitweni. Xi hangalasa ku Vonakala, hikuva ku Vonakala ku tava kona hi nkarhi wa ni madyambu. Hi le ka awara yaleyo, vanghana. A hi Ri pfumeleni, tani hiloko hi korhamisa tinhloko ta hina.

²⁷⁹ Xosungula, ndzi kombela ku khomeriwa kuva ndzi mi khomeletile nkarhi lowu hinkwawo, eka tiawara timbirhi, awara yin’we na makume mune-ntlhanu wa timinetse, ndza ehleketa, hakanene. Ndzi tshembha leswaku ku hava lexi xi nga mi vavisa. A hi fanelanga ku khunguvanyisa. Leswaku, loko sweswo swi ri—swi ri etimbilwini ta hina na moyo, kutani hi tava hi hoxile, hi vuhera, loko ntsena hi na tiministara hi nga vula swilo leswi, vamakwerhu va hina lahwani, munhu loyi a nga tatiwa hi Moya lowo Kwetsima. Wa vona?

²⁸⁰ Loko ndzi ta ponisiwa nakona ndzi byela mufundhis wa mina wa Baptist leswaku ndzi amukerile Moya lowo Kwetsima, na hinkwawo maendlelo lawa, leswi . . . nakona Ntsumi ya Hosi yi ndzi byerile leswi ndzi nga ta swi endla, a ku, “U nga hava u vile na muhahamu wa na vusiku, Billy.”

Ndzi ku, “Dokodela Davis, ndzi vone Ntsumi.”

²⁸¹ A ku, “Oho, thyaka!” A ku, “Sweswo—sweswo i swa Javulosi.” Wa yona? Oho, mina, swi ndzi vavise njhani sweswo! A ku, “Xana u ya chumayilela tihosi na tindhuna xana?”

Ndzi ku, “Sweswo hi leswi Yi nga swi vula.”

A ku, “Na dyondzo ya giredi ya nkombo xana?”

Ndzi ku, “Sweswo hi leswi Yi nga swi vula.”

²⁸² U teri, “U ehleketa leswaku u ta yingisela hi mani? U huma u ya chumayela hi ku hanyisiwa hi swa Vukwembu eka siku ro kotisa leri, laha ku nga na vulavisisi hinkwabyo bya kahle bya mimirhi na swin’wana?”

Ndzi ku, “Ndzi ngaka ndzi nga vuli leswaku i va Goliyadi vangani va nga yima lahaya.”

A ku, “U ehleketa leswaku u ta yingisela hi mani?”

²⁸³ Ndzi ku, “Loko ndzi rhuma hi Xikwembu, ku na loyi a nga ta ndzi twa.”

²⁸⁴ A ndzi nge se mi tiva n’wina vanhu hi nkarhi walowo. Kutani loko ndzi ta eka n’wina, a swi fana ni loko ndzi vekela ndlilavhu evokweni, ndzi ringanelia na n’wina. Ndza mi rhandza. Ndza mi rhandza. Ndza n’wi rhandza mufundhisi wa mina vamakwerhu. Mi ehleketa leswaku wa Presbyterian, Methodist, kumbe Lutheran, va nga pfula kereke ya vona tani hilaha makwerhu loyi a nga na yona madyambu lawa, eka hina kuva hi tshama lahawani ni ku chumayela hungu ra muxaka lowu xana? Ee, nkulukumba, ku ngari hinkwavo. Lava i vanhu va kahle lava va pfumelaka Ntiyiso. Sweswi va fola na Rito na vona, wa vona, fambelani ekule na swilo swa misava.

²⁸⁵ Vasesi, tshikani misisi ya n’wina yi kula. Ambalani swiambalo swa n’wina, kahle na hi ku saseka. Tingana eka n’wina. Susani ku tipenda-penda kwaloko ku nga exikandzeni xa n’wina. Wa vona? Mi na Matsalwa yo tala yo mi ambarisa hi ku tipenda kutlula ku kerha misisi ya n’wina. Hi swona sweswo. Mi nga swi endli. Mi nga swi endli. Bibebe yi teri i nchumu lowu wu nga xiximiki loko wansati a swi endla. Misisi i ku kwetsima ka yena. Sweswi mi ri, “Walowo i nchumu lowu ntsongo.” Hi swona sweswo, a hi suseni nchumu lowu ntsongo wu suka endleleni kutani hi ta kota ku vulavula hi swilo leswikulu. A hi sungulenii kahle.

²⁸⁶ Sweswi, vamakwerhu. Oho, mina! Mi nge ndzi vula nchumu wun’we eka munhu. Nkulukumba, makwerhu wa mina, loko u nga pfumelela nsati wa wena a endla swo kotisa sweswo, wa ndzi nyumisa, nakona u tivula leswaku u munhu loyi u nga tatiwa hi Moya. A swi ku khomisi tingana, u tshika nsati va wena a famba exitarateni.

²⁸⁷ Nakona mi ambala maambalelo ya vungwavava na swin'wana swo kotisa sweswo, nakona ma swi tiva leswaku Bibele yi teri, Yesu u teri, "Loyi a langutaka wansati hi ku n'wi navela u va a n'wi oswile"?

²⁸⁸ Mi ri, "Sweswi yima nyana, makwerhu wa mina, a ndzi na nandzu." Ndzi pfumela leswaku na wena u na wona, sesi wa mina, a wu na nandzu eka nawu wa ntumbuluko. Kambe loko u ti kombisa wena hi wexe kutani mudyohi a ku languta, nakona u ri karhi u ti kombisa wena hi wexe tani hi sweswo, i mani a nga na nandzu? U na wona, hi ku tikombisa wena hi wexe. Kutani hi siku ra ku Avanyisa, loko mudyohi yaloye a tihlamulela hikokwalaho ka vuoswi, i mani a nga endla leswaku a va na byona embilwini ya yena? Hi wena! Hikokwalaho ka yini? Hikuva u tikombisile wena hi wexe. Sweswi, walowo ntsena i Ntiyiso.

²⁸⁹ A wu swi tshiki, a wu swi tshiki, sesi, na kombela, hi Vito ra Yesu, ndza ku kombela tani hi makwerhu wa wena, ku swi tiyisisa?

²⁹⁰ Makwerhu, a swi ku nyumisi hi matikhomele ya wena eka yindlu ya wena tani hi sweswo, u swi tiyisisa. Ndzi—ndzi na ku tshembha ko antswa eka wena tani hi wanuna. Wa vona?

²⁹¹ Vafundhisi lava va tshikaka vanhu va vona va nghena, va teka madiyakoni ni hinkwavo eka ntirho walowo, va ri karhi va tshama na vavasati vambirhi kumbe vanharhu, na swin'wana, a wu na tingana, muminstara? A wu na tingana ha swilo leswi? Kutani mi va teka va va swirho loko lahaya va ri karhi va hanya evuoswini, niku zaha tisigarete, ni ku endla hinkwaswo, nakona va nga swi vuli hambi kuri ku swi vula eka platifomo. A mi nyumi! Ndza—ndza—ndza mi khongelela, makwerhu.

²⁹² Xikwembu a xi mikatekisi. Ndzi khensa ku tiyisela ka n'wina kuva mi ndzi kondelerile. Sweswi, ndza hlamala . . .

²⁹³ Rivoni ra na madyambu ri fikile. Rivoni ra ni madyambu ri kona kwalahawani, ku tlhelela eRitweni.

²⁹⁴ Sweswi, na tinhloko ta n'wina loko ta ha korhamile, timbilu ta n'wina ta ha korhamile, ti vutisi xivutiso lexi, "Xana ndza ringanelna na Rito leri xana? Xana ndza ringanelna?"

²⁹⁵ Xikhongelo xa mina i ku, kusuka eka platifomo, "O Xikwembu, tsema hinkwaswo eka mina leswi nga fambelaniki na Wena. O Xikwembu, swi susi eka mina." Hi le hansi lahawani emakun'wini ya patu.

²⁹⁶ Hi swona, xana u ngava la tshembhekeke ku yimisa mavoko ya n'wina mi ku, "Xikwembu, tsema hinkwaswo leswi nga eka mina leswi swi nga fambelaniki na Wena. Ndzi endli, Hosi, ndzi vumbe kutani u ndzi endla"? Hosi a yi mikatekisi.

²⁹⁷ Loko kuri na loyi a nga riki kahle, nakona a ri mudyohi nakona a papamarile ku ta fika lahawani madyambu lawa,

nakona va nga amukelanga Kreste tani hi Muponisi, kumbe lava va nga tlhelela endzhaku kumbe swin'wana, nakona va lavaka ku tlhela va vuya, ma rhambiwa leswaku mi ta yima lahwani ealtarini. Loko mi pfumela leswaku Xikwembu xi ta yingisa swikhongelo swa mina eka vavabyi, ndza pfumela leswaku Xi ta ndzi yingisela. Na n'wina na mina tani hiloko hi vekela ripfumelo ra hina eka Gandzelo, ri nga Yesu Kreste, N'wana wa Xikwembu, kutani hi nyika xikhongelo, ndza pfumela leswaku Xikwembu xi ta yingisela. Ma rhambiwa leswaku mi ta mi ta yimela xikhongelo.

²⁹⁸ Sweswi, Tatana wa hina wa le Matilweni, hi Ku nyika vayingiseri lava, marito lawa yo tshoveleleka lawa a ya lehile, Hosi. Hambi leswi lavo tala va nga karhala niku hela matimba ni kuva va ye ekaya, nakona kumbexani van'wana a va titwi kahle, nakona, Hosi, a—a hinkarhi hinkwawo ndzi nga vulaka eka vayingiseri leswaku i mani. Nakona, endzhaku ka swona, Tatana, I Rito ra Wena nakona U tiva mbilu ya mina. Swingaleswi...nakona a ndzi...Khombo eka mina loko ndzi nga swi endli. Nakona ndza—ndza boheka ku swi endla, Hosi. Swingaleswi ndza khongela sweswi leswaku vanhu lava va nga naku twisia ka Rito va ta swi twisia kahle, nakona ndzi na ntiyiso wa leswaku lava U nga va vitanelia eVuton'wini va tata, leswaku ku hava nchumu emisaveni handle ka mbilu leyi teleke rirhandzu ra Xikwembu na Kereke ya Xona leyi ndzi yi kombelelaka swilo leswi.

²⁹⁹ Tatana, hi ku swi endla voko rin'wana na rin'wana leri ri nga lahwani ri yile ehenhla leswaku ri ta yimbisiwa, leswaku u tsema u susa masalelwaa hinkwawo lawa yo ka ya nga weliki kona lahaya. Xikwembu, hi pfuni hinkwerhu ka hina. Ndzi yime na vona, Hosi. Ndzi un'wana wa vona, ndzi hlalerile ku ta ka siku ra Miliniyamu leri ri tsakeke laha vudyoho na tingana swi nga ta herisiwela makumu. Nakona, Tatana, loko ha ha ri emisaveni leyi ha swi tiva leswaku hi kongomane na swilo leswi, hi kongomane na swihoxo, hi kongomane na vudyoho, ha ha ri eka fambeni, nakona hambi swi ri tano a hi swi naveli ku swi endla. Tani hilaha Bibele yi nge teri, "A hi heli mbilu loko hi khomisiwa tingana." Kambe ndza khongela, Tatana, leswaku ku khomisiwa tingana hikwalaho ka Rito swa ndzi tsema nhlana ntsena tani hiloko hi ku tika swi tsema lavan'wana hinkwavo. Nakona ndza khongela, Tatana, leswaku va ta swi twisia hi ndlela yaley.

³⁰⁰ Ndza khongela leswaku U tava katekisa sweswi. Leswaku leswi, tani hilaha hi khongeleke ekusungulen, Hosi, hi ku tiva niku hlalela leswi hi swi kombelaka, hikuva a hi lavi ku kombela thyaka, a hi lavi ku kombela swin'wana swa ku pfuxa marito, hikuva hi le ku vulavuleni na Wena.

³⁰¹ Ndza Ku kombela leswaku u katekisa makwerhu lontsongo loyi a nga lahwani loyi a nga ndzi pfulela rivanti ra yena leswaku ndzi nghena vusiku lebyi. Ndza khongela leswaku U

ta ketekisa kereke ya yena na un'wana na un'wana wa swirho swa yena, Hosi, ntsena... Leswaku leyi yi nga hava yindlu ya ku vonakala, ndhawu leyi tinyiko ta Xikwembu ti khulukaka na hinkwaswo swi famba khwatsi.

³⁰² Katekisa muministara un'wana na un'wana loyi a nga tshama lahwani, tikereke ta vona. Leswaku ku nga hava na ku ninginika, kumbe pfumawulo lowu wu humaka ensinyeni wa malberi, wa Moya wa Xikwembu lowu wu tsemekanyaka Phoenix, wu tisa tikereke eka xinakulobyne na le—na le ka mpfuxelelo lowukulu, laha tiministara ti nga tsandzekaka ku chumayela, hikwalaho ka ku Kwetsima ka Xikwembu; kambe loko vakwetsimi va hlengeletana hi ndzhengha, va huwelela niku khongela niku nyika vumbhoni na mahungu, ntsena kuva kuri ku halaka ka Moya, loko tiko hinkwaro ri ta kokeka mahlo ri ta, yingisela. Hi nyike swona sweswi.

³⁰³ Hanyisa vavabyi exikarhini ka hina, Hosi. Va nyike ku kutsuriwa loko Kwetsima, Tatana, hi Vito ra Yesu Kreste.

³⁰⁴ Sweswi loko ha ha korhamisile tinhloko ta hina, loko kuri na un'wana lahwani loyi a tsakelaka ku ta a ta yima ealtarini sweswi, kutani loko ha ha korhamisile tinhloko ta hina, kuta hi taya hi ya hama risimu nyana, ra—ra—ra kahle, risimu ra khale ra Evhangeli. Nakona hi lava ku ri hama. Loko hi tava hi swi endlile, loko kuri na loyi a tsakelaka ku mi khongeleta, hi—hi ntokoto wo enta, ku amukela Moya lowo Kwetsima, kumbe u ponisiwile kambe a wu se kwetsimisiwa, kumbe swin'wana, hi ta tsaka ku endla sweswo loko ha ha hama risimu leri lerintsongo, *Ndza N'wi Rhandza*. Nakona loko mi N'wi rhandza, a hi xiximeni Rito ra Yena sweswi.

Ndza N'wi rhandza, ndza N'wi rhandza
 Hikuva U sungurile a ndzi rhandza
 A xava ku ponisiwa ka hina
 Ensinyeni wa Xihambano.

³⁰⁵ Loko va ha ta, ndzi lava un'wana na un'wana leswaku a teka ndhawu ya yena sweswi. Hi swona, sesi.

...N'wi rhandza, ndza N'wi rhandza
 Hikuva U...

Tanani sweswi, mi rhendzeleka hi altari, n'wina lava mi lava ku ta sweswi.

...mina
 A xava ku ponisiwa ka mina
 Ensinyeni wa Xiha...

³⁰⁶ Hikokwalaho ka yini eka van'wana va n'wina vasesi lava mi nga na misisi yo koma mi nga ti lahwani mi ta kombela eka Xikwembu? Mi lava ndzi mi hlayela swona a Bibeleni xana? Hi swona. Hikokwalaho ka yini mi nga ti, mi ta ku, "Hosi, ndzi lava kuva kahle eka swilo hinkwaswo, nakona

ndzi lava kusungula kahle. Nakona ndzi lava ku kumeka eka patu ra kahle niku tshama kwalahaya. Ndzi ya eku endleni ka xikombelo eka Wena vusiku lebyi, Hosi. Yi ya eku kuleni kusuka sweswi kuya emahlweni”?

³⁰⁷ Bibele yi te i tingana eka wanuna kuva a ri na misisi yo leha, a languteka tani hi wansati. Xikwembu xi endlile mintwanano yimbirhi, wun’we na Adam lowun’wana na Evha. Xi va embexile ku hambana. A va hambanile, hinkwavo. Minkarhi hinkwayo a va hambanile. Kuna mintwanano yimbirhi ehansi eBibeleni. Ndzi tsakela ku chumayela hi sweswo hi mintwanano yimbirhi vusiku byin’wana, nkarhi wun’wana, ndzi mi kombisa leswaku ku hambana kule kwihi. Oho, mina, hi leswikulu ngopfu. Swa ha kumeka eka mhaka ya vukati na ku thalana ka n’wina, loko ntsena u tiva ntiyiso eka swona, swi ta tshamisisa mhaka hinkwayo. Hi swona sweswo. Hi swona, nakambe sweswi, loko hi tava na ntiyiso sweswi. Tanani, a mi swi lavi xana?

Ndza N’wi rhandza, . . .

Xana mi lava Moya lowo Kwetsima xana? Tanani, mi ta yima kwala.

Hikuva u sungurile A ndzi rhandza
A . . .

Mi lava ku famba ekusuhi na Yena? Tanani, endlani xihlambanyo, tiseketeleni hi Yena ni ku swi hlaysia. Swi ngaka swi ngavi kahle ku hlambanya handle kaloko u swi hlaysia.

E . . .

Mi nga ha ta mi ta endla xihlambanyo. Xikwembu xi ta xi tatisa. Ntsena khomelelani eka ku hlambanya ka n’wina.

³⁰⁸ Sweswi ndzi ta kombela vamakwerhu va mina va tiministara loko va nga enhlela ehansi va ta lahawani, mi yima mi rhendzela vanhu lava vo hlawuleka loko ha ha khongela kwalahawani, mi vulavula na un’wana na un’wana, mi kombela swilaveko swa vona sweswi loko ha hari lahawani.

³⁰⁹ Un’wana na un’wana ntsena hi ku xixima tani hilaha mi nga ta kota hakona. Sweswi, Xikwembu xi ta mi xixima, ntsena hi ku xixima hakunene ku kondza xikhongelo lexi xi endlili. Mi nga ha ta sweswi, kwalahawani, mi rhendzela, ehenhla nale hansi ka vanhu lava lava va nga yima lahawani ku khongeleriwa.

Ensinyeni wa Xihambano.

³¹⁰ Sweswi nakambe, loko ka hari na tiministara lava va nga hlengeletana hi matlhelo ha mambirhi.

Ndza N’wi rhandza, ndzi . . .

Ndzi tsakela ku swi vona sweswo, tiministara ta minhlangano yo hambanana, hinkwavo xikan’we sweswi; sweswo hi le hansi ka Ngati.

Hikuva U sungurile a ndzi rhandza
 A xava ku ponisiwa ka mina
 Ensinyeni wa Xihambano. (Mina!)

³¹¹ Sweswi fambani vamakwerhu, eka munhu loyi mi nga yima ekusuhi na yena, va tlhandlekeni mavoko mi va vutisa leswi va swi lavaka eka Xikwembu. Lowu i nkarhi wa kahle? Ma swi tiva, loko ndzi swi vona leswi, langutani lahawani, tiministara ta tikereke to hambanana, va yimile kun'we. Vasesi lava a vari emasangwini va pfukile, va humile, va fambile. A ku dzunisiwe Hosi. Ha swi khensa swinene sweswo, ku yima hi Vito ra Hosi.

³¹² Sweswi, mi nge vayingiseri sweswi, un'wana na un'wana a korhamise nhloko ya yena sweswi. Un'wana na un'wana sweswi, embilwini ya wena, ntsena vulavula na Xikwembu kukotisa loko a wu ta vulavula na mina; tani hilaha u nga taka u ta ku, "Makwerhu Branham, ndzi—ndzi . . ." Loko u endle swin'wana leswi swi nga hoxeka, u nge, "Ndzi rivaleli, Makwerhu Branham. Ndzi—ndzi endle leswi, xana u ta ndzi rivalela eka swona xana? Ndzi ta ku tshembhisa, Makwerhu Branham, a ndzi nge he ku endleli sweswo." Sweswi ntsena ncincani vito ra mina, kusuka eka mina, mi ya eka Hosi Yesu Kreste.

³¹³ Kutani loko mi lava ku hanyisiwa, ku kotisa loko mi nga ta ku, "Makwerhu Branham, ti—ti whayile, ndzi hava swakudya swa ni madyambu namunlhha, nakona, ina, ndza switiva leswaku loko u ri na dolara u ta ndzi nyika yona." Sweswi, wa vona, a wu fanelanga i ku eka Xikwembu, "Loko U ri na matimba yo hanyisa." Xi na wona, wa vona. U ta ku eka mina, "Loko u ri na wona." Kambe eka Xona a wu fanelanga i ku, "Loko U ri na wona." Xi na wona! Wa vona? Swingaleswi u ri, kukotisa, "Makwerhu Branham, xana u nga ndzi nyika dolara xana? Ndzi—ndzi—ndzi lava swin'wana swo dya." Hikokwalaho ka yini, hakunene ndzi ta swi endla, wa switiva sweswo. Loko ndzi ri na yona ndzi ta ku nyika, nkarhi wun'wana na wun'wana. Ndzi tava ndzi ri na mbilu yo biha loko ndzi nga swi endli. Kutani mina, kuva ndzi ri na tihanyi, munhu wa vudyoho, kutani ndzi va yaloye wa mbilu ya kahle eka un'wana tani hi wena, xana Xikwembu xi ngava njheni?

³¹⁴ "Loko u ri lowo biha u tiva hilaha u nga nyikisaka xiswona tinyiko ta kahle, Tatana wa le Matilweni yena a nga va nyikisa ku yini Moya, eka lava va nga Wu kombela." "Loko u kombela nhlampfi, xana A nga ku nyika nyoka xana? U kombela xinkwa, A nga ku nyika ribye xana?" Hakunene a swi tano!

³¹⁵ Hikokwalaho ka yini, loko ntsena u nga N'wi kombela hi ndlela yaleyo, hi ripfumelo, ro pfumela sweswo, u ta swikuma eka Yena ku ringana miliyoni hi ku hatlisa kutlula loko u kuma swin'wana eka mina. Nakona wa switiva leswaku ndzi ta ku pfuna, ndzi nga endla hinkwaswo leswi ndzi nga swi kotaka. Un'wana wa vamakwerhu lava loyi a nga swikotaka, hi nga ha

handa peni yin'wana na yin'wana eswikhwameni swa hina ku ku pfuna. Hi nga ha endla hinkwaswo ku pfuna. Kambe leswi hi swin'wana leswi u faneleke ku pfumela hi ripfumelo.

³¹⁶ Sweswi, wa pfumela leswaku u ta swi kuma loko haha khongela, na wena wa khongela, na vayingiseri va khongela, nakona ndza pfumela leswaku Xikwembu xi ta enhlela ehansi xi ta xixima xikhongelo xa hina. Kutani hi xinkadyana lexi u nga ta titwa leswaku u na Wona, Xikwembu xexo xi ta hlamula swikhongelo swa wena, kutani u endla ntwanano, "Hosi, ndzi endle xihoxo, a ndzi nge he swi endli. Ndzi ta yimisa voko ra mina, ndza Ku tshembhisa leswaku a ndzi nge he ngeti," Xikwembu xi ta ku teka eka rito ra wena. Nakona ntseña u swi pfumela hi ndlela yaleyo kutani hinkwaswo swi tava swi hetisekile. Ntsena yimisani mavoko ya n'wina mi N'wi khensa, "Hosi, ndzi endlile xihlambanyo xa mina. Nakona ndza switiva leswaku i xa Wena, nakona U tshembhisile ku xi hlamula, nakona U ngaka u nga tsandzeki."

³¹⁷ Tatana wa le Matilweni, hina, malandza ya Wena, hi yimile eka ntlawu lowu wu nga ta emahlweni wu ri karhi wu lava minkateko ya Wena na vukona bya Wena eka nkarhi lowu. Tatana, hi vona swidlodlo swa Hungu, nkarhi wa Rivoni ra na madyambu. Votala va vona, Hosi, va le ku tivuleni. Van'wana va vona va na xilaveko hakunene. Ndza khongela, Xikwembu, leswaku hi Vito ra Yesu A wu nge tshiki un'wana wa vona a tifambela, hikuva U ta hlayisa Rito ra Wena. Ndzi tisa Rito ra Wena leswaku ri va xitsundzuxo xa Wena, Hosi, tani hilaha Petro a swi endleke na vadyondzisiwa loko va tava va khongerile eka Mintirho 4, va teri, "Hosi, tsundzuka Rito! Hikokwalaho ka yini vahedeni va dumaduma na vanhu lava va ehleketa ka swilo swa hava?"

³¹⁸ Sweswi, Tatana, hi tisa Rito ra Wena. U teri, "Loyi a pfumelaka eka Mina u na Vutomi lebyi nga heriki. Loyi a taka eka Mina Ndzi ngaka ndzi nga n'wi hlongoli. Loyi a twaka marito ya Mina kutani a pfumela eka Yena loyi a ndzi rhumeke u tava na Vutomi lebyi nga Heriki, nakona a ngaka a nga ti eku Avanyisiwesi kambe u hundzile eka rifu a ya eVuton'wini."

³¹⁹ Oho, endla leswaku swikombelo swa wena swi tiveka eka Xikwembu, nakona Xi ta hi hlamula. Xi hi ntalo... "Loyi a nga ta tivula swidyoho swa yena u ta rivaleriwa. Loyi a fihlaka swidyoho swa yena a ngaka a nga rivaleriwi." Nakona ha tivula ku hoxisa ka hina. Ndzi vula ku hoxisa ka vanhu. Ndzi vula ku hoxisa ka mina. Ndzi kombela tintswalo. Ndzi kombela ku hanyisiwa. Ndzi kombela tintswalo. Ndzi kombela leswaku U ta chela Moya lowo Kwetsima, Hosi, sweswi ehenhleni ka vanhu lava va nga rindzela, leswaku vutomi bya vona byi nga ha ncinka eka bloko leyi yi vumbiwaka hi Xikwembu, nakona hi ta vumbiwa hi xivumbeko xa N'wana

wa Xikwembu, leswaku Moya lowu wu N'wi pfuxeke, lowu wu nga taya eka mimirhi ya vona wu ya va endla vana va xinuna na vana va xisati va Xikwembu. Hi nyike swona, Hosi.

³²⁰ Ha pfumela leswaku U kona sweswi. Ha pfumela leswaku U ta xixima Rito ra Wena. Ha pfumela leswaku U ta xixima matshala tshala ya Rito. Sweswi rhumela minkateko leyi ehenhleni ka vanhu lava tani hilaha va ha rindzeleke Vukona bya Wena ku va endzela lahawani eka altari. Hi Vito ra Yesu.

³²¹ Sweswi, loko mi pfumela, niku pfumela leswaku mi swi kumile, yimiselani Xikwembu mavoko. Loko mi swi amukela tani hi xikhongelo xa ripfumelo na ku hlambanya ka wena tani hilaha sweswi mi hundzukelaka eka Xikwembu, yimisani mavoko ya n'wina.

³²² Kutani vayingiseri a va yimi. Un'wana na un'wana, yimani, lava va lavaka ku endla swikombelo eka Xikwembu, sweswi mi nge, "Ndza Ri pfumela. Ndza Ri amukela. Ndza Ri pfumela."

³²³ Sweswi yimisani mavoko ya n'wina kutani mi N'wi dzunisa nakona swi tava swi herile. Ku kwetsima a kuve eka Xikwembu! Ndza Ku khensa, Hosi Yesu, hikwalaho ka vukahle bya Wena na tintswalo ta Wena, na hinkwaswo leswi U nga hi endlela swona, Hosi. Ha Ku dzunisa ha Yesu Kreste.



MURHUMIWA WA NI MADYAMBU TSO63-0116
(The Evening Messenger)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Wavunharhu ni madyambu, Sunguti 16, 1963, a Pentecostal Church Of God eMesa, Arizona, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org